

MEYO ACHIMOOWIN

ST. MARK.

THE GOSPEL

ACCORDING TO

CST. MARK;

TRANSLATED INTO THE LANGUAGE OF THE CREE INDIANS.

OF THE DIOCESE OF RUPERT'S LAND.
NORTH-WEST AMERICA.

LONDON:

PRINTED FOR

THE BRITISH AND FOREIGN BIBLE SOCIETY

1855.

Printed by W. M. Watts, Crown Court, Temple Bar.

A KEY TO THE ORTHOGRAPHY.

٠,	• • •	· ··· .		
		. vo	WEL SOUNDS.	
	\bar{a} so	unded a	s a in hate.	
	а		a far.	
	e		e me.	
	i		i pin.	
	i		i thine (when final).
	00	`	oo moon, move.	٠
	u;		u but, tub.	·
	ew .		u pure.	
	ow		ow now.	
		٠,	* 1	
		•	CONSONANTS.	
	// SO	unded a	s g in get.	
	h	·	h hard, hat.	
	k		$h \ldots \text{keg.}$	
• • • • • • • • • • • • • • • • • • • •	m.		m me.	
	n ´		<i>n</i> net.	
			p put.	
	r_{s}	••••	$s \dots \sin$	
	. t		t time.	
	··· ·w			
			w was.	
	y	• • • •	y your.	
	y	• • • • •	y my (when final)	•
	ch	• • • •	ch much, chicken.	
	kw		hu. awkward.	
٠.	st		st . stick.	D
	pw		pw upward.	•

REMARKS.

(') An aspirate or breathing, generally followed by the letters h, t, and ch. It is also used in the locative case: as, washahihun, "a house;" washahihunih, "in a house:" wenepāh, "a lake;" wenepāhooh, "in or on a lake." It also marks the distinction between the personal pronoun second person, he for heya, and the particle he, which is the sign of the past tense.

We, is a particle expressing a wish or desire, the sign of the optative mood.

Ga, is the sign of the future tense, used only in the indicative mood.

Ka, is the relative pronoun.

 $K\bar{a}$, is the sign of the future tense, used only in the subjunctive mood.

Kitta, is a sign of the future tense.

Pā, is a particle signifying "to come."

M, is sometimes used to signify possession.

J. H.

lslington, Feb. 5, 1855.

OO MEYO ACHIMOOWIN

S. MARK.

PISKĖTUSSINAHIKUN I.

A MACHEPUYEYIK oo meyo achimoowin Jesus

Christ, oo' Koosisa Muneto;

2 Ka isse itussinähikatāk kiskewāhikāwinik, Mateka, net issitissawaw net issitissawakun kitta nekanotask, kā kwyachetat ke māskunow ke nekanimik.

3 Ā tāpwāt pāuk pukwutuskeek, omisse, Kwyachetawak oo māskunow ka Tipāyechekāt,

kwiuskwumótawák itta ka pimótat.

4 John ké seekahátakāo pukwutuskeek, mena ké wétum unima seekahátakoowin métatumoowinik isseritta kitta ké oche apahumakoowisseek muchétewina.

5/Mena ké natik missewā uskeek Judea oche, mena weyawaw Jerusalemik oche, ākose kakeyow ké seekahatakwuk sepeck Jordanik, ā

wétúkik oo muchétewinewawa.

6 Mena John ke weyatum pisiskewe opéwuya, mena pakakino pukwatahoon ke pukwatahoo akose locusta mena amo osechekun-

eyew ke mechew;

7 Ākose kukāskimewāo, omisse ā itwāt, Ne pā uskwak pāuk owusimā ā sookatissit ispeech neya, oo muskisināapea numma wawach ne tāpukāyetakoosewan kitta nowukeewuk ākose kitta apāhumwuk.

8 Neya atoweya nippe ke ke oche seekahatatinawaw: maka weya ke ga seekahatakoowaw

ka Kunatisseyit Achakwa oche.

9 ¶ Ākose kē ēkin mākwach āwukwunee kesikawa, Jesus pā itotāo Nazarethik Galileeik oche, ākose Johna kē seekahātak Jordanik.

10 Ākose kwiuskonak ā utte kupat nippeek oche, waputum keche kesikwa ā pasketāpuyevikee, ākose Āchākwa tapiskooch omemew ā nasetotakooyit:

11 Ākose pātum ayumewin keche kesikook oche, omisse ā itwāmukuneyik, Keya ayewak ka sakehitan ne' Koosis, metoone ka naheyowāheyun.

12 ¶ Ākose sāmak áchákwa pukwutuskeék

issewinik.

13 Ākose ākota pukwutuskešk ke ayaw nāometunow kesikawa, ā kootāyimikoot Muche Āchākwa; mena ke wechāwāo ka ākwatisseyit pisiskewa; ākose keche utooskāyakuna ocheestumak.

14 I Ispe maka John kā āyeet kipāhotoowinik, Jesus pā itotāo Galileeik, ā wetuk meyo achimoowin Muneto oot otānowinik oche,

15 Mena omisse itwāo, Assi tipepuyew, mena Muneto oot otanowewin' kissewak 'ayayew: nukutumook ke muchetewinewawa, akose tapwatumook meyo achimoowin.

16. I Mākwach maka ā pimotāt sisooch wenepākook Galileeik, wapumāo Simona mena Andrewa oo' chewameyewa ā pukitawayit wenepākook: weya ā oopukitawaweyit.

17 Ākose Jesus omisse itāo, Pā pimitissahook, ākose ķe ga issehitinawaw kitta nochekinosā-

watakook ayiseyinewuk.

18 Ākose sāmak nukutāwuk oot ayupewawa,

ākose ā pimitissawatchik.

19 Ākose nowuch wavowees ka itotat, wapumāo Jamesa Zebedeewa oo' koosiseyewa, ussitche Johna oo' chewameyewa, ā ayavit peeche mistiko chemanik a meesayupayit.

20 Akose sāmák nutomāo: ākose nukutāwuk oo tawewawa Zebedeewa peeche mistikochemanik ussitche utooskayakuna, akose pim-

itissáwāwuk.

21 Ākose itotāwuk Capernaumik isse; ākose sāmak ā ayumehāwe kesikayik peetokwāo peeche ayumehāwekumikook, mena kisk-

inohumakāo.

22 Ākose mamuskatumwāwuk oo kukāskimawusoowineyew: \chikama kiskinohumowao tapiskooch oweyuk a ayat tipayechekawin, mena numoweya tapiskooch oomussinahikawuk".

23 T Akose akota dot ayaty pauk napao

peeche oot ayumehāwekumikoowak ā kekeskakoot āka ā pākisseyit achākwa; mena tāpwāo.

24 Omisse isse, Āka totowinan; tanse keya kā itapuchehitak, keya Jesus Nazarethik oche? ke na pāche nissewunachehinan? Ke kiskā-yimitin owāna keya, oo Kunatisseema Muneto.

25 Ākose Jesus kitotāo, omisse itwāo, Āka kitoo, mena pāche wuyowee w'eyowik oche.

26 Ākose ispę āka ka pākissit āchāk kā pekopitat, mena mistahe kā tāpwāt, pāche wuyoweew.

27 Ākose kākeyow mamuskatumwuk, mena omisse kākukwāchetoowuk, Kāko kākwi oma? kāko oske kukāskimawusoowin oma? chikāma tipāyechekāwin oche itussoowatāo apo āka ka pākisseyit achakwa, mena nunahetak.

28 Ākose sāmak ākota achimaw missewā

waska Galileeik.

29 ¶ Ākose ākota oche, kā wuyoweetchik ayumehāwekumikook oche, peetokwāwuk oo waskahikuneyeek Simona mena Andrewa, ussitche James mena John.

30 Maka Simon w'ewa oo' kaweyewa pimisineyewa a kisisoowe itaspinayit, akose utte

wetumowawilk.

31 Ākoše pāche sukechechānāo, mena opināo; ākose sāmak kisisoowe itaspināwin nukutik, ākose pumestowāo.

32 ¶ Åkose ā otakosik, ispe pesim pākissimoot, pātoowāwuk kākeyow ā ākoseyit, menaunehee ā peeteskakooyit muche āchākwa.

33 Akose kakeyow ayiseyinewuk otanowik oche mawutchehitoowuk maniowe iskwat-

āmik.

34 Ākose ke kekāhāo mechāt ā akoseyit nunatook ā itaspināyit, mena ke wuyoweetissawāo mechāt muche achākwa; mena numma wawach ke eyinumowāo muche achākwa kitta ayumeyit, chikāma ā kiskāyimikoot.

35 T Ākose ā kākesāpayayik, ā wuniskat kinwās ā moyā kesikayik, wuyoweew, mena itotāo itta ā nisikutoayayik, ākose ākota ayum-

ehaw.

36 Akose Simon ussitche unehee ka ke

wechāwikoot pimitissawawuk.

37 Ākose ispe kā miskowatchik, omisse itāwuk, Kākeyow ayiseyinewuk ke nutonak-wuk.

38 Ākose omisse itāo, Mate natūtan kotuka otānowa, ākota mena kitta kukāskimawusooyan: chikāma āwuko oche ka ke pā itotāyan.

39 Ākose kē kukāskimawusoo opt ayumehāwekumikooyeek missewā Galileeik, mena

kė wuyoweetissawao muche achakwa.

40 ¶ Akose pāche natik oopekopuyewa, ā pukosāyimikoot, mena ā ochechekwunuppeestakoot, mena omisse ā itikott, Keespin ket itā-yetān, ke ga ke pākehin.

41 Akose Jesus, a moosetat kitimakenaka-

win, sooweniskāyew, mena samināo, ākose omisse itāo, Net itāyetān; pākisse maka.

42 Ākose kwinskonak ka peekiskwāt, sāmak

pekopuyewin nukutik, mena ké pakissew.

43 Akose metoone aveechimāo, mena sāmak

sipwātissawāo :-

44 Mena omisse itāo, Māakwam ākaweya nantow issé oweyuk: maka sipwata, waputey = k'eyow ayumehāwekemaw, mena māke-ke pākehikoowin oche unehee kakwia Moses ka ke itussoowāt, kitta ke kiskāyetukik.

45 Maka wuyoweew, mena mache wétum mistahe, mena tuswākatotum āwukwāyew, peyis eyekook āka wawach Jesus ā ke moosisā peetokwāt keche waskahikunik, maka ākut ke ayaw itta ā nisikutoayayik: ākose pāche natāwuk missewā ittā oche.

PISKĖTUSSINAHIKUN II.

Акоse ateet kesikawa ka muyawepuyeyikee itotāo mena Caperņaumik\ ākose wetumwan ā

avat peeche akota waskahikunik.

2 Akose sāmak mechāt mawutchehitoowuk mamowe, peyis evekook āka wawach ā towak kitta pečtokwatchik, numma wawach apo waska iskwatamik: ākose wetumowāo ayumewin.

3 ¶ Ākose pā natāwuk, ā pāsewatchik pāuk

ā nunumaspināyit, nāo ā pimotahatchik.

4 Ākose āka kissewak ā ke natatchik ā isse sétiskumatooweét, otinumwuk upukwana ittaā avayit: ākose ispe kā towinūkik, pukitinumwuk nipāwin itta oonunumaspināwa ka pimissineyit.

5 Ispe Jesus weäputumwat oo tapwatumoowineyew, omisse itao oonunumaspinawa, Ne' Koosa, ke muchetewina ket usanumakowin.

6 Maka ākota oot uppetawaw ateet oomussinahikāwuk, mena ā mamitoonāyetukik oo' tāewak,

7 Tanāke owa napāo wāche pastamoot? owāna kā kè usānuk muchètewina piko Muneto?

8 Ākose samak Jesus kāskāyetuk-oot-achakook ā mamitoonāyetumeyit, omisse itāo, Tanāke wāche mamitoonāyetumāk ohoo kākwia ke' tāewak?

9 Tanunima nowuch weyātūk kitta iteet oonunumaspināo, Ke muchetewina ket usānumakowin; apo kitta itwāk, Wuniska, mena otina ke nipāwin, ākose pimotā?

10 Maka kitta kė kiskāyėtumāk napāo oo' Koosisan ā ayat sookatissewin uskeek kitta usānumakāt muchėtewina, (omisse itāo oonunumaspināwa,)

11 Omisše k'ititin, Wuniska, mena otina ke

nipāwin, ākose itotā k'ekeek isse.

12 Ākose sāmak wuniskaw, otinum nipāwin, mena wuyoweew ā wapumikoot kakeyow; peyis kakeyow ā mamuskatumeyit, mena mum-echimāwuk Munetoowa, omisse ā itwātchik, Numma wekach omisse isse ne ke isse waputānan.

13 ¶ Ākose mena itotāo sisooch wenepākook; ākose kākeyow ookistukāwe ayiseyinewa

natik, ākose kiskinohumowāo.

14 Ākose ā utte pimotāt ākota, wapumāo Levia Alpheusa oo' koosiseyewa ā uppeyit itta ka oṭinimeet sooneyawa, ākose omisse itāo, Pimitissahoon. Ākose pusikoo mena pimitissawāo.

15 ¶ Ākose utte ekin, mākwach Jesus ā uppit ā mechesoot oo waskahikuneyeek, mechāt publicanuk ussitche oomuchatissewuk weluppimāwuk Jesusa ussitche oo kiskinohumowakuneyewa: weya ā mechātitchik, mena ā pimitissāwatchik.

16 Ākose ispe oomussināhikāwuk ussitche Phariseewuk weapumatchik ā weche mechesoomayit publicana mena oomuchatissewa, omisse itāwuk oo kiskinöhumowakuneyewa, Tanse oma wāche weche mechesoomat mena minīkwāmat publicana mena oomuchatissewa?

17 Ispe Jesus peātuk, omisse itāo, Unekee ka meyo ayatchik numoweya nutowāyimāwuk nutookoonuya, piko unekee ka akositchik: Numoweya n'oche pā itotan kitta nutomuk kwiusk ootitatissew, maka oomuchatissewuk kitta nukutukik oo mnchetewinewawa.

18 ¶ Akose oo kiskinohumowakunewawa John mena Phariseewuk oo weke kowukutāhootawaw: ākose pā itotāwuk mena omisse itāwuk, Tanāke oo kiskinohumowakunewawa John mena Phariseewuk wāche kowúkutāhooyit, maka keya ke kiskinohumowakunuk numma wawach kowúkutāhoowuk?

19 Ākose Jesus omisse itāo, Oot owasimisa che weketoowekumik kitta ke kowukutāyewa, ā āskwa wechāwikootchik ooweketoowa? ā āskwa wechāwatchik ooweketoowa, numoweya kitta ke kowukutātchik.

20 Maka kesikawa kitta ochechepuyewa, ispe ooweketoowa muskumeetwawe, ākose āwukwunee kesikawa kā kowukutāhootchik.

21 Numoweya mena oweyuk ukoostahum oske munetoākin kuyase weyachekunik: owāka unima oske aye ka ke mesahikakāk otinumomukun kuyase ayek oche, ākose itta ka pekopuyik owusimā missaw.

22 Mena numoweya oweyuk ustaw oske meenisapöe kuyase ussewutchekunik: owāka weya oske meenisapöe kitta nissewunachétamukun ussewutchekuna, ākose a seekepuyik meenisapöe, mena ussewutchekuna kitta nissewunatunwa: maka oske meenisapöe kitta ustanewun oske ussewutchekunik:

23 ¶ Ākose ke ekin, ā pimotāt pukwāsekuniskāk kistikanik ā ayumehākesikayik: ākose oo kiskinohumowakuna, ā utte pimotāyit, mosukepitāyewa pukwāsekuna.

24 Akose Phariseewa omisse itik, Cheest, tanāke wāche totukik unima ā ayumehākesikayik āka ķitta ke tochekatāpun?

25 Ākose omisse itāo, Numma wekach na

k' ôche ayumétanawaw tanse David kā totūk, ispe kweyestumat, mena neyoôtākutāt, weya, ussitche unehee ka ke wechāwikoot?

26 Ka ké isse, peétokwāt Munetoowekumikook mākwach Abiathar ā kéche ayumehāwekemawit, mena ka ké moowat oonustwakoowe ayukonawa, āka oweyuk oo ga ké moowaty piko ayumehāwekemawa, mena ka ké meeyat unehee ka ké wechāwikoot?

27 Ākose omisse itāo, Ayumehākesikaw ke osechekatāo ayiseyinew oche, mena numoweya ayiseyinew ayumehākesikaw oche:

28 Awuk' oche napāo oo' Koosisan Tipā-

yétum mena ayumehākesikayew.

PISKĖTUSSINAHIKUN III.

Akose mena peetokwāo ayumehāwekumikook; akose akota napāo oot ayaty a nippoowechechāt.

2 Ākose usowapumāwuk, mate kā kekāhayit ā ayumehākesikayik; kitta ke misimatchik.

3 Ākose omisse itāo unehee napāwa ka nip-

poowechéchāyit, Nepowe tātawitch.

4 Ākose omisse itāo, Oonussoowāwinik na itustāo kitta meyo totumeek ā ayumehākesikak, apo kitta muche eteek? kitta pimachehewāk, apo kitta nippatakāk? Maka numoweya kitoowuk.

5. Akose kā waska kunowapumat ā kissewasit, āka ā nāāyētūk ā ispeēche muskowetāhāyit, omisse itāo napāwa, Sooweniskāye. Akose sooweniskāyew: ākose oo' cheche ke meenwachetawan tapiskooch kotukeyew.

6 ¶ Ākose Phariseewuk sipwātāwuk, ākose sāmak oonussoowatāwuk ussitche Herodianuk, tanse kitta ke isse nissewunachehatchik.

7 Maka Jesus sipwātāo ussitche oo kiskinohumowakuna wenepākook isse: ākose ookistukāwe ayiseyinewa Galileeik mena Judeaik

oche pimitissahook,

8 Mena Jerusalemik oche, mena Idumeaik oche, mena owusitā Jordanik oche; mena weyawaw missewā Tyre mena Sidonik oche, ā osamayutitchik, ispe peātūkik unehee keche kākwia kā totumeyit, pā natāwuk.

9 Ākose ayumehāo oo kiskinohumowakuna, upistche mistiko chemanis kitta kwyach ustāyik chikāma a isse osamayuteyit ayiseyinewa, āka

kitta pisteskakoot.

10 Weya mechāt ā ke pimachehat; peyis eyekook ā nanachepahikoot ā we saminikoot, tuto ote ka ke ayayit itaspināwina.

11 Mena āka ka pākissitchik achākwuk, ispe weapumatchik, oteētuppeestowāwuk, mena tāpwāwuk, omisse ā itwātchik, Keya ke Mune-

toowe Koosisanewin.

12 Ākose metoone ayeechimāo āka kitta achimikoot.

13 ¶ Ākose koospamutchewāo wutcheek, ākose nutomāo unehee piko ā itāyetuk: ākose pāche natik.

14 Ākose oonukimāo metatūt nesosap, kitta

wechāwikoot, mena kitta ke sipwātissawat kitta

kukāskimewāyit,

15 Mena kitta ayayit sookatissewin kitta kekatayit akosewina, mena kitta wuyoweetissawayit muche achakwa:

16 Ākose Simona uspenikatāo Peter; .

17 Mena James Zebedee oo' koosisa, mena John James oo' chewama; ākose Boanerges isse uspenikatāo, āwukwane, Pināsewe—koosisanuk ā itwāk:

18 Mena Andrew, mena Philip, mena Bartholomew, mena Matthew, mena Thomas, mena James Alpheus oo' koosisa, mena Thaddeus, mena Simon ka Canaanitewit,

19 Mena Judás Iscariot, ka ké utawakāyit w'eyow: ākose peetokwāwuk waskahikunik.—-

20 ¶ Akose mena mawutchehitooyewa ookistukawe ayiseyinewa, eyekook peyis numma wawach apo kitta ke moowatchik ayukonawa.

21 Ākose ispe oo' totāma peātumeyit, sipwātāwuk ā we nutowe otetinatchik: weya ā itwātchik, Wunetatookwā oo mitoonāyechekun.

22 ¶ Ākose oomussināhikāwuk ka ké pā itotātchik Jerusalemik oche itwāwuk, Ayawāo Beelzebuba, mena unehee ka tipāyimayit muche āchākwa ka oche wuyoweetissāwat muche āchākwa.

23 Ākose nutomāo, mena omisse itāo ā uspahakāmoot, Tantā isse Muche āchāk kā kō isse wuyoweewāpinat Muche āchākwa?

24 Mena keespin otanowewin nunanische-

hitomukun, āwuko otānow numoweya kitta ke

étukwun.

25 Mena keespin waskahikun nunanischehitomukun, āwuko waskahikun numoweya kitta ke étukwun.

26 Mena keespin Muche achak pusikoostasootche, mena nunanischehitootche, numoweya

kitta ké étaw, maka kitta poone ayaw.

27 Numoweya oweyuk kitta ké peétokwāo ā muskowisseevit napāwa w'ekeyeék, kitta nissewunachétawat oot ayaneyewa, patima nekan ké tükopitatche napāwa ka muskowisseevit; ākose kā ké nissewunachétawat w'ekeyew.

28 Tapwā k' ititinawaw, Kakeyow muchetewina kitta usanumowawuk napawe koosisanuk, mena pastamoowina piko ka isse pasta-

moowakwā:

29 Maka una kā muche itakwā ka Kunatisseyit Achākwa numoweya wekach ayaw usānumakoowin, maka kitta ayimehik kakekā nissewunachehoowin:

30 Chikāma ā ké itwāyit, Ayawāo āka ā

pākisseyit āchākwa.

31 ¶ Ākose maka oo' chewama ussitche oo' kaweya pā itôtāyewa ākota. ākose, wuyoweetimik ā nepoweyit, wetumowāwuk, ā nutomatchik.

32 Akose ookistukawe ayiseyinewa waska uppeestak, akose omisse itawuk, Cheest, ke'kawe mena ke' chewamuk wuyoweetimik ayawuk a nunatonaskik.

33 Ākose nuskwāwusehāo, mena omisse itāo, Owāna ne'kawe, apo ne' chewamuk?

34 Ākose waska kunowapumāo unehee ka waska uppeestakoot, ākose omisse itwāo, Wapumeekook ne' kawe mena ne' chewamuk!

35 Weya piko una kā totuk oot itāyetum- oowin Muneto, āwuko ne' chewam, mena net' owāmaw, mena ne' kawe.

PISKĖTUSSINAHIKUN IV.

Ākose mena mache kiskinohumakāo kissewak wenepākook: ākose mawusuko natik ookistukāwe ayiseyinewa,ākose poosew mistiko chemanik, mena ayaw wenepākook; ākose ookistukāwe ayiseyinewuk kakeyow ayawuk kissewak wenepākook pakwachak.

2 Ākose kiskinohumowāo mechāt kākwia ā uspahakāmoot, mena omisse itāo oo kukāskima-

wusoowinik.

3 Nutótumook; Mateka, wuyoweew ookistikāo ā wé nutowe kistikāt:

4 Ākose oma mākwach ā kistikāt, ateet pukisineyewa putotāskunāk, ākose peyāsesa pāche kitumwāyewa.

5 Mena ateet pukisineyewa usineskak, itta aka mistahe uske a ayak; akose samak sakuskemukuneyewa, weya aka a kispukak uske:

6 Maka ispe ispimik ātat pesim, ke iskwatāwa; mena chikāma āka ā wutupemukukee, nippoowetinwa.

7 Mena ateét púkisineywa misekaweminuk-

useskak, ākoše misekaweminukuseuk sakuskewuk, ākose kipiskowāwuk, ākose numma wawach netaweketamukunwa kistikan.

8 Ākose kotukuk pūkisinwuk meyo uskečk, mena kė nėtawekėtamukunwa kistikan ka kė sakuskemukuk mena yūkehomukūk; mena nėtawekėtamukunwa, ateėt nisto metunow, mena ateėt nikootwaso metunow, mena ateėt metatūto metunow.

9 Ākose omisse itāo, Una ka otowukat kitta

pātuk, keyam kitta nutotum.

10 ¶ Ākose ispe peāukoot, unehee ka ke wechāwikoot ussitche metatut nesosap kukwā-

chimik uspahakāmoowin.

11 Ākose omisse itāo, Keyawaw ke meeyikowinawaw kitta kiskāyetumāk ka mamatawuk Muneto oot otānowewin: maka unekee wuyoweetimik ka ayatchik, kakeyow ohoo kākwia tochekatāwa uspahakāmoowinik:

12 A waputukik kitta ke waputumatchik, akose aka kitta nissetowinumatchik; mena a patukik kitta ke patumatchik, akose aka kitta nissetotumatchik; nantow itta oo ga kwasketawaw, akose oo muchetewinewawa kitta usanumowatyuk.

13 Ākose omisse itāo, Numma na ke kiskāyetānawaw oma uspaliakāmoon? ākose maka tanse kā ke isse kiskāyetumāk kakeyow uspa-

hakāmoowina?

14 ¶ Ookistikāo kistikatum ayumewin.

15 Mena āwukwunik okoo putotāskunāk ka

ayatchik, itta ayumewin ka kistikatāk; maka ispe kā pātūkwawe, Muche āchāk pā itotāo sāmak, mena otinumwāo ayumewin ka kē kistikatāyik peēche oo' tāeyeēk.

16 Mena āwukwunik okoo ussitche ka kistikateetchik usineskak; ispe ka patukwawe ayumewin, samak otinumwuk keke muma-

takosewin;

17 Mena numoweya oowutupeemewuk weyawaw kachewak, akose ayawuk ukunuk piko: mwastus, ispe ayimissewin apo pukwatitoowin waniskamukuke ayumewin oche, samak nayatawayetumwuk.

18 Mena āwukwunik okoo ka kistikateetchik misekaweminukuseskak; unekee ka patukik

ayumewin,

19 Akose oma uskewe mamitoonāyeche-kuna, mena wuyāsehewāwina wāyootissewina oche, mena ā ukawatumeek kotuk kākwia ā pectokwāmukukee, kipiskumomukunwa ayumewin, ākose numma netawekechekāmukun.

20 Mena āwukwunik okoo ka kistikateétchik meyo uskeék; unekee ka patukik ayumewin, mena ka otinukik, mena ka nétawekétatchik kistikan, ateét nisto metunow eyekoók, ateét nikootwaso metunow, mena ateét metatuto metunow.

21 ¶ Ākose omisse itāo, Pātanewun na wasuskotānikun kitta ustāk sepa mūkūkook, āpo sepa nipāwinīk? Ākose āka kitta ustāk wasuskotānumakunātikook?

22 Chikāma numoweya kākwi katanewun, aka kitta nokotak; mena numoweya wekach kākwi ke kemooche kunowāyechekatāo, maka kitta kiskāyetakwuk.

23 Keespin oweyuk ôtowukaw kitta patuk,

keyam kitta nutôtum.

24 Ākose omisse itāo, Pāutuk unima kā pātumāk: unima kā oche tipāhikakāyāk, āwuko kā oche tipāhumakoweyāk; mena keyawaw ka pātumāk owusimā ke ga meeyikowinawaw.

25 Weya una ka ayat, kitta meeyaw: mena una aka ka ayat, kitta muskumaw apo unim-

āyew ka ayat.

26 T Ākose omisse itwāo, Ākose āsse ayak Muneto oot otānowewin, tapiskooch napāo ā wāpinuk kistikanisa uskeek;

27 Ākose ā nipat, mena ā wuniskat ā tipiskayik mena ā kesikayik, ākose kistikana oo ga sakuskētawaw, numoweya kiskāyētum tanse.

28 Chikāma uske sakuskėtamukun kistikan sakā; nistum muskose, akose uskooch pukwās-

ekun.

29 Maka ispe kistikaņa ātetākwawe, sāmak munisikāo, chikāma munisikāwe kesikaw ā

ochechepuyeyik.

30 ¶ Ākose omisse itwāo, Kāko nuspitakowin kā ke isse nuspitumotayuk Muneto oot otānowewin? apo kāko tapiskootāyechekun kā ke oche tapiskootāyetumuk?

31 Nuspitumomukun pāukomin kistikanis,

ispe kå kistikatāke uskeek, mawutche upisasin ka ituteekee kistikana uskeek:

32 Maka ispē kā kistikatāke, opikemukun, ākose mawutche misaw ka ituteekee kistikana; mena mechāto puskātikwunāyaw; ākose peyāsesuk ākota akowastāsimoowuk.

33 Mena mechāt ākotoowe uspahakāmoowina ke oche wetumowāo ayumewin, ā isse

kuskėtayit kitta patumeyit.

34 Maka āka ā uspahakāmoot numoweya oche ayumehāo: ākose ispe peāukootwawe, ke wetumowāo kakeyow kākwia oo kiskinohumowakuna.

35 ¶ Ākose āwuko ā kesikayik, ispe wātakosineyik, omisse itāo, Māte asoowāhūtan kwāskukam isse.

36 Ākose kā sipwātissāwatchik ookistukāwe ayiseyinewa, otināwuk ā isse ayayit mistiko chemanik. Mena oo wechāwikōty kotuka mistiko chemanisa.

37 Ākose misse kestin, ākose ā mamūkaskak mistiko chemanik pukumepuyewa, peyis ā

sakuskināk eyekook.

38 Maka weya otakātukook oot ayaty, ā nipat uspiskwāsimoowinik akose kooskoonāwuk, mena omisse itāwuk, Okemaw, numma wawach na ke kunupāyetān kitta nissewunachehooyak?

39 Ākose wuniskaw, mena kitootum yootin, mena omisse itum wenepāk, Pāutuk, we keyame aya. Ākose poone yootin, mena keche uywastin.

40 Ākose omisse itāo, Tanāke wāche isse sākisseyāk? tanse ākeek āka ka ootapwātumoowinevāk?

41 Ākose naspitch keche sākissewuk, mena omisse ititoowuk, Tantoowe napao owa, apo yootin ussitche wenepāk ka nunahetakoot?

PISKĖTUSSINAHIKUN V.

Āкоse otetumwuk kwāskukam itākā wenepāk, oot uskewak isse Gadareneuk.

2 Akose ispe kå kupat mistiko chemanik oche, samak nukiskak napawa chepuyekumikoòk oche a ayawayit achakwa aka a pakisseyit,

3 A wekevit chepuvekumikoskák; numma oweya ké kuskétayewa kitta túkopitikoot, numma, numma wawach apo pewanisko

pesakunapea oche:

4 Chikāma ā ata ke mechātwaw tukopiteet túkopititoowina oche mena pewapisko pesakunapea oche, mena a ke papeékopituk pewapisko pesakunapea, mena tukopititoowina metoone a ke peekopituk: mena numoweya oweya kė kuskėtavewa kitta yoospissehikoot.

5 Mena mosuk, tāpiskayike mena keyesikayike, ke ayaw wutcheek, ussitche chepuyekumikoskák, a tapwat, mena a matisoosoot

usinea oche.

6 Maka ispe weapumat Jesusa wayow oche, isputaw ākose putuppeestowāo,

7 Mena tāpwāo ā kisewāt, mena omisse

itwāo, Tanse keya kā itapuchehitan, Jesus, keya Wākoosisimisk mamówāyus āspākāyetakosit Muneto? Ke pukosāyimitin weya Muneto oche, āka kitta nunākatcheheyun.

8 Weya omisse ā ke itikoot, Pāche wuyowee w'eyowik napāo oche, keya āka peyākisseyun

áchák.

9 Akose kukwāchimāo, Tanse āsse issenikasooyun? Akose omisse itāo, Legion net issenikasoon: chikāma ā mechāteyāk.

10 Mena pukosāyimik naspitch āka kitta

sinwatissahookoot awuko uskeek oche.

11 Ākota maka oot ayatawaw kissewak wutcheek ā mechātitchik kookosuk ā mechekootchik:

12 Ākose kākeyow muche āchākwa pukosāyimik, omisse ā itwāyit, Issitissāhoonan itta kookosuk ka ayatellik, kitta ke peeteskowukeetchik.

13 Ākose sāmak Jesus eyinumowāo. Ākose āka ka pākissitchik achākwuk wuyoweewuk, mena peēteskowāwuk kookosa: ākose kookosuk sooke nasepāputawuk itta ā keeskutchayik wenepākook, (nantow oo neso keche metatuto metunowāsetawaw;) ākose ke nistapawāwuk wenepākook.

14 Ākose uuekee ka ke mechesookowatchik kookosa tupuseewuk, mena wetumwuk keche waskahikunik, mena ākota uskeek. Ākose nutowe waputumwuk kākwi unima ka ke to-

tumoôt.

15 Ākose otetāwuk Jesusa, mena wapumāwuk unehee ka ke kekeskowayit muche achakwa, mena ka ke ayawayit legiona, ā uppeyit, mena ā kekayoowinisāyit, mena ā ayayit kwiuskoo mitoonāyechekuneyew: ākose sākissewuk.

16 Akose unekee ka ke waputukik wetumowawuk tanse ka isse ayayit unehee ka ke kekeskowayit muche achakwa, mena ussitche

kookosa oche.

17 Ākose mache pukosāyimāwuk kitta sip-

watayit oot uskewak oche.

18 Ākose ispe kā poosit mistiko chemanik, una ka ke kekeskowat muche achākwa pukosāyimāo kitta ke wechāwat.

- 19 Numoweya maka Jesus eyinumowāo, maka omisse itāo, Kewā nasik ke totāmuk, ākose wetumowik kāko keche kākwia ka Tipāyechekāt ka totāstumask, mena ā ke kissāwatotask.
- 20 Ākose sipwātāo, mena mache wetum Decapolisik kāko keche kākwia Jesusa kā totāstumakoot: ākose kākeyow ayiseyinewuk ke mamuskatumwuk.

21 ¶ Akose ispe Jesus kā asoowāhoot mištiko cheman oche kwāskukam isse, mechāt ayiseyinewa mawusuko natik: mena kissewak wenepākook oot ayaty.

22 Akose, pote, ka pā natikoot pāuk ka tipāyetumeyit ayumehāwekumik, Jairus ā issenikasooyit; ākose ispe weapumikeot pūkising

eyewa oo' sitik,

MANITOSA

23 Ākose naspitch pukosāyimik, omisse ā itwāyit, Ne' tanis pimisin kākach ā nippit: ke pukosāyimitin, kitta pāche saminut, kitta kē kekāheét; ākose kitta pimatissew.

24 Ākose Jesus wechāwāo; mena mechāt

ayiseyinewa pimitissahook, mena pisteskak.

25 ¶ Ākose pāuk iskwāo, ā we nāstook-

wākowit metatūt nesosap pipoonwa,

26 Mena ā ke akohikoot mechāt kākwia ā itotakoot mechāt nutookoonuva, mena ā ke māstinuk kakeyow kākwi ka ke ayat, ākose āka wawach ā koche meyoayasit, maka yayow owusimā ā utte mayeayat,

27 Ispe ká pátůk Jesusa oche, pache setoweyůkeew otanák oche, mena saminumwao

oot ukohooneyew.

28 Weya omisse ā ke itwāt, Keespin ke saminumwuke apo piko oot ayoowinisa, ne ga kekan.

29 Ākose sāmak itta ka otasekowuneyik oo mikoom ke pastāyew; ākose moosetaw w'e-vowik ā pimacheheet āwuko itaspināwin oche.

30 Ākose Jesus, sāmak ā kiskāyetuk sookatissewin ā ke wuyoweemukuneyik w'eyowik oche, kwāskekapowew mākwawuyās, mena itwāo, Owāna ka saminuk net ayoowinisa?

31 Ākose oo kiskinohumowakuna omisse itik, Ke wapumawuk ookistukāwe ayiseyinewuk ā makoskaskik, ākose ket itwan, Owana ka

'saminit?'

32 Ākose waska itapew ā we wapumat un-

ehee ka ke totumeyit oma kākwi.

33 Maka iskwāo ā sākissit mena ā nunekepuyit, ā kiskāvētūk kākwi kā totāstumāt w'eyowik, pā otetuppeestowāo, mena wetumowāo kakeyow tapwawin.

- 34 Akose omisse itāo, Wātaniseek, ke tapwatumoowin ke ke pimachehikoon; neyá paútukāvimoowinik, we pimatisse ket itaspināwinik

ბche.

35 ¶ Mākwach kāyapitch ā pekiskwāt, pā itotāvewa w'ekek oche una ka tipāvetuk ayumehāwekumik ateet ā itwāyit, Ke' tanis nippew: tanāke wāche mikoskachehut Okemaw owus-, imā?

36 Sāmak Jesus peātuk ayum win ka ké itwāweet, omisse itāo unehee ka t**i**pāyetumeyit ayumehāwekumik, Akaweya sākis e viko tapwāta.

37 Mena numoweya ke eyinumowao oweya kitta pimitissahookoot, piko Peter, mena James,

ussitche John oo' chewama James.

38 Akose otětumwão w'ckeyew unehee ka tipāyetumeyit ayumehāwekumik, mena wanutum a mikoskache ayaweet, ussitche uneliee ka matooyit mena ka keche matooyit.

39 Akose ispe ka peetokwat, omisse itao, Tanake oma wache mikoskache ayayak, mena oskeneekiskwāsis numoweya nipmatoovāk?

pew, maka nipaw.

-40 Ākose nunatookwapehāwuk, Maka ispe

kākeyow kā wuyoweetissāwat, itotahāo oo' taweyewa ussitche oo' kaweyewa oskeneekiskwāsisa, mena unehee ka ke wechāwikoot, ākose peetokwāo itta oskeneekiskwāsisa ka pimisineyit.

41 Ākose sukechechānāo oskeņeekiskwāsisa, mena omisse itāo, Talitha cumi; āwukwane, ā itwāk, Oskeneekiskwāsis, k' ititin, wūniska.

42 Ākose sāmak oskeneekiskwāsis wuniskaw, ākose pimotāo; weya ā metatut nesosapo pipopat. Ākose ke mamuskatumwuk keche mamuskatumoowin oche.

43 Ākose sooke ayeechimāo āka oweya kitta kiskāyetumeyit; mena itusoowāo nantow kākwi kitta usumimeet.

PISKĖTŲSSINAHIKUN VI.

Ākose ākota oche sipwātāo, mena pā itotāo weya kāchewak oot uskeek; ākose oo kiskin-ohumowakuna pimitissahook.

2 Ākose ispe ayumehāwe kesikaw wāchechepuyeyik, mache kiskinohumakāo ayumehāwekumikook: ākose mechāt ā pātowatchik mamuskatumwuk, ā itwātchik, Tantā wātinuk owa napāo ohoo kākwia? mena kāko kukātawāyetumoowin oma ka meeyeet, apo unehee

kéche utooskawina ka ítotúk oo' chéchea oche?

3 Nummayāo na owa mistiko-napāo, Mary oo' koosisa, oo' chewama James, ussitche Joses, mena Juda, ussitche Simon? mena numma na oot' owamama ota ke wechāwanowa? Ākose ke nayātawāyimāwuk.

- 4 Maka Jesus omisse itāo, Okiskewāhikāo numoweya āka kitta ayat kistāyetakosewin, piko weya kāchewak oot uskeek, mena keyekow weya kāchewak oo' totāma, mena weya kāchewak w'ekek.
- 5 Mena ākota numoweya ke totum mamuskache utooskāwin, piko ā ke saminat ateet ootakosewa, mena ā ke pimachehat.

6 Mena kė mamuskatum chikāma oot anwātumoowinewaw oche. Ākose waskatāo mis-

sewā otānowa, ā kiskinohumakāt.

7 I Ākose nutomāo metatūt nesoosap, mena mache sipwātissawāo nanesoo; mena meeyāo sookatissewin kitta sakoochehayit āka ka pākisseyit achakwa;

8 Mena itussoowatao aka kakwi kitta tukoonumeyit a pupamotayit, piko suskahoon; numoweya mechimewut, numoweya ayukonaw,

numoweya sooneyawa w'ewutewak:

9 Maka kitta kekeskumeyit muskisina; mena numoweya kitta poostiskumeyit nesoo miskotakuya.

10 Äkose omisse itāo, Piko ittā kā peetokwāyāk peeche waskahikunik, ākota ayak

eyekook kā sipwātāyāk ākota oche.

11 Mena piko una āka kā we otinikooyāk, apo patakooyāk, ispe sāpwatāyāko ākota oche, pupowesitāsimook āwukwāyew kitta misimikootchik. Tapwā k' ititinawaw, owusimā kitta meyo ayawuk weyawaw Sodom mena Gomorrha oonussoowāwe kesikake, ispeech āwuko otānow.

12 Akose sipwatawuk, mena wétumakawuk, ayiseyinewuk kitta pukwatukik muchétewin.

13 Mena ké wuyoweetissáwāwuk méchāt muche áchákwa, mena ā toominatchik pime oche méchāts inchee ka ké ákoseyit, mena

pimachehawuk

14 ¶ Ākose keche okemaw Herod pātum ā achimimeet; (weya missewā oo weyoowin ā atootumoot:) ākose omisse itwāo, John Ooseekahatakāo ke wuniskaw nippoowinik oche, mena āwuk' oche wache nokotat-mamuskache utooskāwina.

15 Kotukuk itwāwuk, Elias una. Ākose kotukuk itwāwuk, Okiskewāhikāo una, apotapiskooch pāuk okiskewāhikāo.

16 ¶ Maka ispe Herod\peatuk, omisse itwao, John una, ka ke keeskekwatawuk: ke

wuniskaw nippoowinik oche.

17 Weya Herod kachewak a ke issitissahoowat mena a ke otinat Johna, mena a ke tukopitat kipahotoowinik Herodias oche, oo' chewama Philipa w'eweyewa oche weya a ke keche wekimat.

18 Weya John ā ke itapun Heroda, Numoweya meywasin keya kitta ayawimut ke' chewam w'ewa.

19 Āwuk' oche Herodias kė pukwatāo, mena oo ga kė nipahaty; maka numoweya kė kuskėtaw:

20 Weya Herod ā ke koostat Johna, ā kiskāyimat ā kwiusk itatisseyit mena ā kunatisseyit napāwa, mena ā ke nakutowāyimat;

mena ispe ka patowat, ke totum mechat kakwia, mena ke patowao keke mumatakosewin.

21 Ākose ā nāhepuyik kesikaw ā ochechepuyeyik, Herod ā tipiskūk, tipiskinākwāwin osetowāo oo' kemasisima, keche semakunisewekemawa ussitche, mena mawutche keche aya Galileeik;

22 Ākose ispe oo' tanisa āwuko kāyapitch Herodias peā peetokwāyit, mena ā neemeyit, mena ā nāheyowāhikoot Herod ussitche unehee ka wetuppimikoot, keche okemaw omisse itāo unehee oskeneekiskwāwa, Nutotumowin piko kākwi ā itāyetumun, ākose ke ga meeyitin.

23 Ākose keche itāo, Piko kākwi kā nutotumoweyun, ke ga meeyitin, apetow net otanowe-

win isko.

24 Ākose wuyoweew, mena omisse itāo oo' kaweya, Kākwan kā nutotuman? Ākose omisse itwāyewa, Oo' stikwan John Ooseekahatakāo.

25 Ākose sāmak keyepe pā natāo, keche okemawa, mena nutotumowāo, omisse, Net itāyetān patima kitta meeyeyun oonakunik oo' stikwan John Ooseekahatakāo.

26 Ākose keche okemaw naspitch numma ke nahāyetum; āyewāk maka oo keche itwāwin oche, mena weyawaw oche ka wetuppimikoot, numoweya we anwatowāo.

27 Ākose sāmak keche okemaw issitissāwāo napāwa, mena itussoowāo oo' stikwaneyew kitta pātaweet: ākose itotāo mena keeskek-

wātawāo kipahotoowinik,

28 Mena pätawāo oo'stikwaneye'w oonakunik, ākose meeyāo oskeneekiskwāwa: ākose os-

keneekiskwāo meeyāo oo' kaweya.

29 Ākose ispe oo kiskinohumowakuna peātumeyit, pā itotāwuk mena otinumwāwuk w'eyoweyew, mena ustawāwuk chepākumikook.

30 ¶ Ākose issitissāwakunuk mawusuko natāwuk Jesusa, mena wetumowāwuk kākeyow kākwia, ka ke totukik, mena ka ke kiskinohumakātchik.

31 Ākose omisse itāo, Pā itotāk keyawaw ākut itta ā nisikuto ayak, ākose utcheyow uywāpik: weya mechāt ā ke pā itotātchik mena ā sipwātātchik, mena numma wawach ke towustāyew apo eyekook kitta mechesootchik.

32 Akose sipwatawuk itta a nisikuto ayayik

chemanik kemooch.

33 Ākose ayiseyinewuk wapumāwuk ā sipwātāyit, mena mechāt kiskāyimāwuk, mena mooscheputawuk ākota isse missewā keche waskahikuneskak oche, mena asiskowāwuk, ākose mamowe otetāwuk.

34 ¶ Ākose Jesus, ispe wāyoweet, wapumāo mēchāt ayiseyinewa, ākose moosētaw ā kitimakinowat, chikāma ā nuspitowayit mayutchikwa āka kunowemayutchikwāwa ā ayawayit ākose mache kiskinohumowāo mēchāt kākwia.

35 Ākose maka ispe kesikaw mistahe māyawepuyik, oo kiskinohumowakuna pāche otetik, mena omisse itwāyewa, Nisikuto ayamukun ota, ākose ākwa mistahe māschepuyew ke-sikaw:

36 Sipwātissāhook, kitta ke itotātchik uskeek missewā waska, mena waskahikuneskāk isse, ākose kitta utawāstumasootchik ayukonawa: chikāma numma kākwi ayawuk kitta mechitchik.

37 Nuskwāwusehāo mena omisse itāo, Usumeekook. Akose omisse itāwuk, Ne ga na nutowe utawanan nesoo metatuto metunow sooneyawapiskoosuk eyekook ayukonaw, ākose kitta usumukeetchik?

38 Omisse itāo, Tantūto ayūkonawuk āyawākook? nutowe itapik. Ākose ispe kāskāyetūkik, omisse itwāwuk. Neyanun, ussitche nesoo kinosāwuk.

39 Akose itussoowatāo kakeyow kitta nauppehayit papiskech chepatukuskosewukak.

40 Akose nauppewuk papiskech, mametatuto metunow, mena naneyanuno metunow.

41 Ākose ispe kā otinat neyanun ayukonawa ussitche nesoo kinosāwa, tustusapew kēche kesikook isse, mena meywukimāo, mena pukwānāo ayukonawa, mena meeyāo oo kiskinohumowakuna kitta oonustwawayit; ussitche unehee nesoo kinosāwa matinumowāo kākeyow.

42 Akose kakeyow ke mechesoowuk, mena

kė keespoowuk.

43 Akose otinumwuk metatut nesoosap wekopewuta a sakuskinayikee iskwachekuna oche, mena kinosawa oche.

44 Mena unekee ka ke moowatchik ayukonawa nantow ke neyanuno keche metatuto

metunowāsewuk napāwuk.

45 ¶ Akose sāmak ke sakoochimāo oo kisk inohumowakuna kitta pooseyit mistiko chemanik, mena kitta itotāyit kwāskukam itakā nekan Bethsaidaik, ā āskwa sipwātissawat ayiseyinewa.

46 Akose ispe kā sipwātissawat, sipwatāo

wutcheek isse kitta ayumehat.

47 Ākose ispe watakosineyik, mistiko cheman tawitch wenepākook ayayew, ākose weya

ā pāukoot uskeek.

48 Ākose wapumāo sooke ā utooskāyit ā usāpooyāyit; weya ā nayātawetineyik: ākose nantow ātookwā ā utte kākesāpayayik otetāo, ā pimotāt tukooch wenepakook, mena oo ga ke mayaskowāty.

49 Maka ispe weapumatchik ā pimotāyit tūkooch wenepākook, ke itāyetumwuk achak

ātookwā, mena mowimokāwuk:

50 Weya kakeyow ā wapumatchik, mena ke mikoskatāyetumwuk. Akose sāmak weche ayumimāo, mena omisse itāo, Mumatakosik: neya oma; ākaweya sākissik:

51 Mena natāo peeche mistiko chemanik isse; ākose yotin poonepuyew: mena naspitch mamuskatumwuk, mena keche mamuskatāyetumwuk.

52 Chikama numoweya a mamitoonayêtûkik unima mamuskache issechekawin ayûk-

weya oo' taewaw a muskowusonawa: tāyik.

. 53 ¶ Akose ispe kå mayaskůkik, otětumwuk uske Gennesaret, mena natukáhumwuk.

54 Akose ispe kå kupatchik chemanik oche.

sāmak kiskāyimāwuk,

55 Mena pupamotāwuk missewā ākota waska, mena mache pupamotahawuk nippawinik unehee ka kė akoseyit, itta a patukik a ayayit.

56 Mena piko itta ā peetokwāt, waskahikuneskák isse, ápo kéche waskahikuneskák, ápo uskeèk, kè áyayewa ootákosewa maskunayeèk, mena ā pukosāyimatchik kitta ke saminumwatchik keyam piko chekask oot ukohooneyew: mena túto ka ké saminatchik ké pimachehawuk.

PISKĖTUSSINAHIKUN VII.

Akose pāche mawusuko natik Phariseewa, mena ateet oomussinahikawa, Jerusalemik a pa

\otavit.

2 Akose ispe weäpumatchik ateet oo kiskinohumowakuneyewa a moowayit ayukonawa keke āka pākissewin, āwukwane ā itwāk, keke āka ā ķitchistapawuták, mechéchea, ké nayátawayetumwuk.

3 Weya Phariseewuk, ussitche kakeyow Jewuk patima mechatwaw ka kissepakinukwawe oo chechewawa, numoweya mechesoowuk, a mitchiminukik oot issetwawineyew was-

kuch kissayinewa.

4 Mena ka tukoseekwawe utatoowinik oche, patima ka kissepakeetwawe, numoweya mechesoowuk. Mena mechat kotuka kakwia etukwunwa, ka ke otinukik kitta mitchiminukik, a kissepakinumeek oonakunisa, mena minikwakuna, osawekwuk-usewutchekuna, ussitche tatuppewina.

5 Akose Phariseewuk ussitche oomussinahikāwuk kukwāchimāwuk, Tanāke numoweya ke kiskinohumowakunuk totumwuk ā ke isse itatisseyepun wāskuch kissāyinewa, maka ka moowatchik ayukonawa āka ā ke kitchista-

pawutatchik oo' chechewawa?

6 Nuskwāwusehāo mena omisse itāo, Metoone ke ke kiskewāhookoowaw Esaias keyawaw oowuyāsehisootik, ka isse itussinahikatāk, Okoo ayiseyinewuk ne mumechimikwuk oo' toonewawa oche, maka oo' taewaw wayow ayayew.

7 Ayewāk pikonuta ne putuppeestakwuk, ā kiskinohumakātchik kukāskimewāwina ayis-

eyinewa oo' nussoowawineyewa.

8 Weya opimā ā ustayāk oo' nussoowāwin Muneto, ke mitchiminānawaw oot issetwawinewaw ayiseyinewuk, ka kitchistapawutak minikwakuna mena oonakunisa: mena mechāt kotuka ākotoowe kākwia ke totānawaw.

9 Mena omissé itão, Metoone ket atowāyetānawaw Muneto oo' nussoowāwin, kitta ke kunowāyetumāk keyawaw kachewak ket isset-

wawinewaw.

10 Weya Moses ā ke itwāt, Kistāyimik k' otawe mena ke kawe; mena, Piko oweyuk muche itatche oo taweya apo oo kaweya

keyam kitta nippahaw:

11 Maka keyawaw ket itwanawaw, Keespin oweyuk itatche oo' taweya apo oo' kaweya, Corban awuko, awukwane a itwak, makewin, piko kakwan kitta ke oche otisseyun neyaooche; kitta tipayimisoo.

12 Mena numoweya ket eyinumowawaw owusimā nantow kakwan kitta totumowat oo'

taweya apo oo' kaweya;

13 Ā issetayāk Muneto oot ayumewin āka nantow kitta itaputuneyik ket issetwawinewaw oche, ka ke mākeyāk: mena mechāt ākotoowe kākwia ket itotānawaw.

14 ¶ Ākose ispe kā nutomat kākeyow ayiseyinewa, omisse itāo, Nutotowik kākeyow keya-

waw, mena nissetotumook:

15 Numma étukwun kākwan oowuyoweetimayik ayiseyinew, ā peetokwāmukuneyik w'e-yowik kitta ke nissewunachehikoot: maka unehee kākwia ka wuyoweepuyikee w'eyowik oche, āwukwunee ka nissewunachehikoot ayiseyinew.

16 Keespin oweyuk otowukaw kitta patuk,

keyam kitta nutotum.

17 Åkose ispe ayiseyinewa ka nukutat ka peetokwat maka waskahikunik, oo kiskinohumowakuna kukwachimik uspahakamoowin oche.

18 Ākose omisse itāo, Ākose na kāyapitch neestawaw āka āsse oonissetotumoowineyāk?

Numma na ke nissetowinānawaw, piko kākwi wuyoweetimik oche ā peetokwāskakoot ayise-yinew, numma ke nissewunachehik;

19 Chikāma numoweya peetokwāmukuneyew oo' taik, maka wutak isse, mena wuyoweepuyew, ā pāketamukuk kakeyow mechima?

20 Ākose omisse itwāo, Unima ka wuyoweemukuk ayiseyineek oche, āwukwāyew nāsse-

wunachehikoot ayiseyinew.

21 Chikāma peetokwumayik oche, oo' taewak oche ayiseyinewuk, ochepuyewa muchemitoonayechekuna, pisikwatissewina, mamowehitoowina, nippahitoowina,

22 Kimotewina, ukawatumoowina, muchatissewina, keyaskewin, pisikwache itatissewin, muche kunowaputoowin, pastamoowin, kistā-

yimoowin, kukāpatissewin:

23 Kakeyow ohoo muche kakwia peetokwumayik ochepuyewa, mena nissewunachenik

ayiseyinew.

24 ¶ Ākose ākota oche pusikoo, mena itotāo sisooch Tyre mena Sidonik, mena peetokwāo peeche waskahikunik, mena ke nutowayetum āka oweya kitta kiskāyetumeyit: maka numoweya ke kasoo.

25 Chikāma pāuk iskwāo, oo' taniseyewa ā ayawayit āka ā pākisseyit achakwa, patumeyewa, ākose pā itotāyewa mena pukisineyewa oo', sitik:

26 Una iskwāo oo Greekewety, ā Syrophenicianewit itta ā ocheet oche; ākose pukosā-

yimāo kitta wuyoweetissawayit muche achakwa

oo' tanisa w'eyoweyeek oche.

27 Maka Jesus omisse itäo, Keyam pitta owasisuk kitta keespoowuk: chikama numoweya nahepuyew kitta otinimeet owasisuk oot ayukonamewawa, akose utimwuk kitta issewapinumatchik.

28 Ākose nuskwāwusehāo mena omisse itāo, Āhā, Tāpāyechekāyun: āyewāk utimwuk sepa mechesoowinatikook mechewuk owasisa oo pewachekuneyewa.

29 Ākose omisse itāo, Oma itwāwin oche kewā; muche achāk wuyoweew ke'tanis w'eyow-

ikooche.

30 Åkose ispe wātetuk w'eke, miskowāo muche achakwa ā ke wuyoweeyit, ākose oo' tanisa ā pimisineyit nippāwinik.

31 ¶ Ākose mena, ā sipwātāt Tyre mena Sidonik oche, pā itotāo wenepākook Galileeik, ā

sapotāt Decapolisik.

32 Ākose pātoowāwuk pāuk ā kukāpetāyit, mena ā nayātawāyit ā pekiskwāyit; ākose puk-

osāyimāwuk kitta saminayit.

33 Ākose ākut itotahāo ayiseyineskāk oche, mena ustaw oo' chechea peeche oo' towukuyeek, mena seekoo, ākose santinumwāo oo' tāyuneyew;

34 Ākose keche kesikook ā itapit, yukutamoo, ākose omisse itāo, Ephphatha, āwuk-

wane, Pasketāpuye.

35 Akose samak oo' towukuya pasketapuye-

yewa, mena oo' tayuneweape apeekopuyeyew, akose ayumew metoone.

36 Ākose ayeechimāo āka kitta wetumowayit oweya: maka owusimā ā wetumowat, owusimā

naspitch mistahe wetumeyewa;

37 Mena naspitch a mamuskatumeyit, omisse a itwayit, Ke totum kakeyow kakwia kwiusk: isehao ookukapetawa kitta patumeyit, mena aka oonetawawa kitta pekiskwayit.

PISKĖTUSSINAHIKUN VIII.

ĀWUKWUNEE kesikawa ookistukāwe ayiseyinewuk naspitch ā mechātitchik, mena āka kākwi ā ayatchik kitta mechitchik, Jesus nutomāo oo kiskinohumowakuna, mena omisse itāo,

2 Ne kitimakinowawuk ookistukawe ayiseyinewuk, chikama akwa nisto kesikawa ne ke wechakwuk, akose numoweya kakwi ayawuk

kitta mechitchik:

3 Mena keespin sipwātissawukwawe weekwak isse ā notākutātchik, kitta utte notāsin-

wůk: weya měchát wáyow a ótótatchik.

4 Akose oo kiskinohumowakuna nuskwawusehik, Tanta oche oweyuk ka ke keespoyat ohoo ayiseyinewa ayukonawa oche ota pukwutchayik

5 Ākose kukwāchimāo, Tantuto ayukonawuk āyawākook? Ākose omisseitwāyewa, Tāpukoop.

6 Akose itussoowatāo ayiseyinewa kitta uppeyit uskeek: ākose otināo unehee tāpukoop ayukonawa, mena nunaskomoo, mena pukwānāo, mena meeyāo oo kiskinohumowakuna kitta oonustwowayit; ākose ke oonustwowāwuk ayiseyinewa.

7 Mena oot ayawatawaw ateet upistche kinosasisa: mena meywukimao, mena itussoowao awukwunee ussitche kitta oonustwo wayit.

8 Ākose ke mechesoowuk, mena ke keespoowuk: ākose ke otinumwuk pewachekuna ka ke nukutumoot tāpukoop wekopewuta sakuskin.

9 Mena unekee ka ke mechesoowapun nantow oo nao keche metatuto metunowasetawaw: akose sipwatissawao.

10 ¶Ākose sāmak poosew chemanik ussitche oo kiskinohumowakuna, mena pā itotāo puke

Dalmanuthaik.

11 Ākose Phariseewuk pā itotāwuk, mena mache kukwāchimāwuk, ā nutonumwatchik/mamatawe kākwi keche kesikook oche, ā we kootāyimatchik.

12 Akose mumapinao mistahe oot achakook, mena itwao, Tanake okoo ayiseyinewuk wache nutonukik mamatawe kakwi? tapwa k' ititinawaw, Numoweya kitta oche meeyawuk okoo ayiseyinewuk mamatawe kakwi.

13 Mena kė nukutāo, ākose utte poosew chemanik mena ā sipwātāt kwāskukam isse.

14 I Kiskinohumowakunuk maka ke wunekiskissewuk kitta tukonatchik ayukonawa, mena numma wawach oot ayatawaw kakwi peeche chemanik owusimā piko pāuk ayukonawa.

15 Ākose kukāskimāo, omisse, Pāutuk, uswāyetumook oot opeechechekunewaw Phariseewuk, mena oot opeechechekun Herod.

16 Ākose aayumehitoowuk, omisse, Āka ā

ayawimayuk ayukonawa.

17 Ākose ispe Jesus kāskāyetuk, omisse itāo, Tanāke wāche aayumehitooyāk, āka ayukonawā ayawāk? numma na chāskwa ke nissetowinānawaw, apo kitta nissitotumāk? ket ayanawaw na kāyapitch ke' tāewaw ā muskowustāk?

18 Ā ayayāk miskesikwa, numma na ke waputumanawaw? mena ā ayayāk metowukuya, numma na ke pātānawaw? mena num-

ma na ke kunokiskissinawaw?

19 Ispe a peekonumowukik neyanun ayukonawa neyanun keche metatuto metunow, tantuto wekopewuta sakuskin pewachekuna ka otinumak? Omisse itwayewa, Metatut nesoosap.

20 Mena išpe tāpukošp meatinumowukik nāo kėche metatūto metunow, tantūto wėkopewuta sakuskin pewachekuna ka otinumāk?

Omisse itwāwuk, Tāpukoop.

21 Ākose omisse itāo, Tanākeek āka ka nis-

setotumāk?

22 ¶ Ākose pā itotāo Bethsaidaik; ākose pātoowāwuk napāwa āka ā wapeyit, mena pukosāyimāwuk kitta saminayit.

23 Akose sukechéchānāo unehee napāwa āka

ka wapeyit, mena sipwātahāo waskahikuneskāk oche; ākose ispe kā seekwatumwat oo' skesikoyewa, mena kā saminat, kukwāchimāo keespin kākwi weaputumeyikwā.

24 Ākose tustusapew, mena itwāo, ne wapumawuk ayiseyinewuk tapiskooch mistikwuk,

ā pimotātchik.

25 Ākose mena saminumwāo oo' skesikoyewa, mena tustusapehāo: ākose ke meeywayaw, mena ke wapumāo kakeyow oweya metoone.

26 Ākose kewātissāwāo w'ekeyeek isse, omisse ā itat, Ākaweya itotā waskahikuneskāk, apo ākaweya oweyuk wetumow waskahikuneskāk.

27 ¶ Ākose Jesus wuyoweew, ussitche oo kiskinohumowakuna, waskahikunekkak isse Cesarea Philippiik: ākose ā utte ito atchik kukwāchimāo oo kiskinohumowakuna omisse ā itat, Owāna āsitchik ayiseyinewuk?

28 Akose omisse itwāwuk, John Ooseekahat-akāo: maka ateet Elias itwāwuk; mena ko-

tukuk, Pāuk okiskewāhikāo.

29 Ākose omisse itāo, Maka owāna keyawaw ātwāyāk? Ākose Peter nuskwāwusehāo mena omisse itāo, Keya āwuko Christ.

30 Ākose wetumowāo āka oweya kitta achim-

ostowayit weya oche.

31 ¶ Ākose mache kiskinohumowāo, napāo oo' Koosisan kitta kootāyetuk mechāt kākwia, mena kitta atowāyimikoot kāssāyinekutumeyit,

ussitche keche ayumehāwekemawa, mena oomussinahikāwa, mena kitta nippaheet, mena ke nisto kesikayike kitta wuniskat mena.

32 Mena kė itwāo āwuko itwāwin moosisā.

Akose Peter otinão, mena mache kitoptão.

33 Maka ispe kā kwāskekapowit mena kā kunowapumat oo kiskinohumowakuna, kitootāo Petera, omisse ā itwāt, N' ispiskwunik itotā keya, Muche āchāk: chikāma numoweya ke mamitoonāyetān unehee kākwia Munetook ka ocheekee, maka unehee kākwia ayiseyineek ka ocheekee.

34 ¶ Ākose ispe kā nutomat ayiseyinewa ussitche oo kiskinohumowakuna, omisse itāo, Piko una kā we pimītissāhoot, keyam kitta anwātasoo, ākose kitta otinum oot ayimissewin, mena ne ga pimītissāhook.

35 Chikāma una kā we pimachetat oo pimatissewin kitta wunetaw; maka una kā wunetat oo pimatissewin neya oche mena meyo

achimoowin oche, awuko ka pimachetat.

36 Chikāma kākwi kā otissit ayiseyinew, keespin kusketatche missewā uske, ākose wunehatche oot achakwa?

37 Apo kākwi meskooch ayiseyinew kā

mākit odt áchákwa oche?

38 Oweyuk maka kā nunāpāwisestowit mena net ayumewina ota pisikwatissewe mena muchatissewe ayiseyineskāk; āwukwune neesta napāo oo' Koosisan kā nunāpāwisestowat, ispe pā itotātche oo mumēchimikoowineyeek Oò'

tawea ussitche kunatche keche utooskayakuna.

PISKĖTUSSINAHIKUN IX.

Akose omisse itāo, Tapwā k' ititinawaw, Ateet ota ka nepowitchik, numoweya kitta kochistumwuk nippoowin, patima eyekook ke waputukwawe Muneto oot otānowewin kitta ochechepuyeyik keke sookatissewin.

2 I Åkose kå nikootwaso kesikak Jesus wechāwāo Petera, mena Jamesa, ussitche Johna, ākose itotahāo itta ā ispuyik wutche ākut itta ā pāukootchik: ākose ke meskooche-

nakosew a wapumikoot.

3 Åkose oot ayoowinisa wasetāyewa, naspitch ā wapiskayikee tapiskooch koona; eyekook āka ookechistākāhikāo ota uskeek kitta ke isse wapisketat.

4 Akose otetikwuk Eliasa ussitche Mosesa:

mena weche pekiskwāmāwuk Jesusa.

5 Ākose Peter pekiskwāo mena omisse itāo Jesusa, Okemaw, meywasin ota kitta ayayuk: keyam ne ga osetanan nisto mekewapa; pāuk keya oche, mena pāuk Moses oche, mena pāuk Elias oche.

6 Chikāma āka ā kiskāyetuk tanse kitta

itwāt; weya naspitch ā sākissitchik.

7 Akose wusko akowastāhookwuk: ākose ayumewin pātumwuk wuskok oche, omisse ā itwāyik, Awuko owa ka sakehuk ne' Koosis: nutotāk.

8 Akose sisekooch, ispe waska ka itapitchik, numoweya oweya owusimā wapumāwuk, piko Jesusa a wechakootchik.

9 Akose a pa nětamutchewatchik wutcheěk oche, kunomao aka kitta wetumowayit oweya kāko kākwia ka waputukik, patima eyekook napawe-Koosisan ké wuniskatche nippoowinik δche,

10 Akose ké kunowayétumwuk awuko itwawin, a kakukwachetootchik kakwan awuko wuniskawin nippoowinik oche.

11 ¶ Ākose kukwāchimāwuk, omisse, Tanāke oomussināhikāwuk wāche itwatchik Elias

nekan kitta tukosin?

12 Akose nuskwāwusehāo mena wetumowāo, Elias nekan tapwā tukosin, mena kākeyow kākwi oonustaw; mena tanse ā isse itussināhikatāk napāwe-Koosisan oche, kitta kootāyètúk mèchāt kākwia, mena kitta atowāyimeèt.

13 Maka k' ititinawaw, Elias assi tapwā tukosin, mena ké totowawuk piko a itayétukik,

ka isse itussinähikatāyik weya oche.

14 ¶ Akose ispe watetat oo kiskinohumowakuna, wapumāo ookistukāwe ayiseyinewa ā ooffussinahikawa a kawechāwayit, mena kukwāchimavit.

15 Akosé samak kakeyow ayiseyinewuk, ispe weapumatchik, naspitch ke mamuskatumwuk, ākose ā gachepáhatchik utumiskowāwuk.

16 Akose kukwāchimāo oomussinahikāwa, Kākwan ka kukwāchimākook?

17 Ākose pāuk ookistukāwe ayiseyineskak oche nuskwāwusehāo mena itwāo, Okemaw, 'Ke ke pātwatin ne' koosis, ā ayawat achakwa

āka ā netawāyit;

18 Mena piko ittā wātetinikootche, peekopitik: mena peesetāwutamoo, mena kecheeskapitāo w'epita oche, mena utte kowakutoosoo: mena ne ke kukwāchimawuk ke kiskinohumowakunuk kitta wuyoweetissawatchik; ākose numoweya ke kusketawuk.

19 Nuskwāwusehāo, mena omisse itwāo, O āka wātapwātumoowineyāk aniskā peā ocheyāk, taneyekook kinwās kā wechātukook? taneyekook kinwās kā pāhitukook? pātoowik

neya.

20 Ākose pātoowāwuk: ākose ispe weapumat, sāmak āchākwa peekopitik; mena pūkisin uskeek, mena tetipeew ā peesetāwutamoot.

21 Ākose kukwāchimāo oo' taweyewa, Taneyekook uspin oma ka ke otetikoot? Ākose

omisse itwayewa, A owasisewit oche.

22 Mena mėchātwaw kė muchoostāwāpinik, mena kė pukustowāwāpinik, kitta nissewunachehikoot: maka keespin kākwi kā kė kuskėtawunā, kitimakinowinan, mena wechehinan.

23 Jesus omisse itāo, Keespin ke ga ke tapwātān, kakeyow kākwia wātuneyewa una ka tapwātuk.

24 Akose sāmak oo' taweya una owasis

tāpwāo, mena omisse itwāo ā ochekowapit, Tāpayechekāyun, ne tapwātān; wecheta num-

ma ne tapwatumoowin.

25 Ispe Jesus weaputuk ayiseyinewa ā pā mamowepāhitooyit, kitootāo āchākwa āka ka pākisseyit, omisse ā itat, Keya āka nātawāyun mena kākāpētāyun āchāk, ke seekimitin, kitta pā wuyoweewut weyowik oche, mena ākaweya mena peetokwā weyowik.

26 Akose achak tāpwāo, mena peekopitāo naspitch, mena pā wuyoweew w'eyoweyeek oche: ākose tapiskooch oweyuk ā nippit ke isse ayaw; eyekook issa piko mechāt ā itwāt-

chik, Nippew.

27 Maka Jesus sukechechānāo, mena opināo;

ākose wuniskayewa.

28 Ākose ispe kā peētokwāt waskahikunik, oo kiskinohumowakuna kukwāchimik ā pāukootchik, Tanāke neyanan āka ka kē oche wuyoweetissāwukeet?

29 Ākose omisse itāo, Omatoowa numoweya pikonuta kākwi oche wuyoweew, piko ayume-

ĥawin mena kowúkutāhoowin oche.

. 30 ¶ Ākose ākota oche sipwātāwuk, mena utte kupiskumwuk Galilee; mena ke itāyetum

āka oweya kitta kiskāyetumeyit.

'31 Weya ā ke kiskinohumowat oo kiskinohumowakuna, mena omisse ā ke itat, Napāo oo' Koosisan pukitinaw oo' chechewak isse ayiseyinewuk, mena kitta nippahāwuk; mena ke nippaleetche, kitta wuniskaw ke nisto kesikayike. 32 Maka jumoweya ke nissitotumwuk awuko itwawin, mena ke nunechewuk kitta kukwachimatchik.

33 ¶ Ākose pā itotāo Capernaumik: mena peeche waskahikunik ā ayat kukwāchimāo, Kākwan une ka ke pāche ayimotumatooyāk māskunak?

34 Maka numoweya kitoowuk: chikāma māskunāk weyawaw kāchewak oo ke ayimotumatootawaw, owāna kā mawutche kistāyetakosit.

35 Akose nåuppew, mena nutomāo metatūt nesoosap, mena omisse itāo, Keespin oweyuk nutowāyetum kitta nekaneet, āwuko mawutche iskwayach kā ayat, mena kitta utooskāyakunewew mamowe.

36 Ākose otināo owasisa, mena ayāo tāta- witch oo kiskinohumowakuna; mena ispe kā

otinat oo' spitoonik, omisse itao,

37 Piko oweyuk kā otinakwa pāuk ākotoowe owasisa ne weyoowinik, n' otinik neya; mena piko oweyuk kā otinit, numoweya neya n' otinik, maka unehee ka ke pā issitissahooyit.

38 ¶ Akose John nuskwāwusehāo, omisse ā itwāt, Okemaw, ne ke wapumanan pāuk ā wuyoweetissawat muche achakwa ke weyoowinik, mena numoweya ke pimitissahookonow: mena ne ke kitahumowanan, chikāma numoweya ke pimitissahookonow.

39 Maka Jesus omisse itwāo, Akaweya kitahumak: chikāma numoweya oweyuk étaw kā totúk mamuskatche isséchékāwin ne wéyoowinik, kā ke sāmak muche ayimomit.

40 Chikāma una āka ka navātawehikovūk

ke wechehikonow.

41_Weya piko oweyuk kā meeyikoyāk ā sakuskināyik minikwakunik nippe ne weyoo-, winik, chikama Christ a ootayanimimikoyak, tapwa k' ititinawaw, numoweya kitta wunétaw oo tipahumakoowin.

42 Mena piko oweyuk kā nayātawehat pāuk ohoo upische aya ka tapwatoweyit, owusimā kitta meywasineyew weya oche keespin pinepoochekune-usineya ukotimeet oo' kwyak, mena pukustowawapineet wene-

pākook.

43 Mena keespin ke' chèche ke nayatawehikoon, munisa: owusimā meywasin keya oche kitta peetokwāyun pimatissewinik ā maskisseyun, ispeech a ayayun nesoo mechechea kitta itotāvun muche iskotāk, itta iskotāo āka wekach kā astowak:

44 Itta oo munechoosimewawa aka ka nip-

peyit, mena iskotāo āka kā astowāk.

45 Mena keespin ke' sit ke nayatawehikoon, munisa: owusima meywasin keya oche kitta peetokwāyun pimatissewinik ā maskisseyun, ispeech a ayayun nesoo mesita kitta issewapinikoweyun muche iskotak, itta iskotao aka wékach kā astowāk :

~ 46 Itta oo munechoosimewawa aka ka nip-

peyit, mena iskotāo āka kā astowāk.

47 Mena keespin k' iskesik ke nayatawehikoon, munepita: owusimā meywasin keya oche kitta peetokwāyun Muneto oot otanowinik ā pāukwūk k' iskesik, ispeech ā ayayun nesoo miskesikwa kitta issewāpinikoweyun muche iskotāk:

48 Itta oo munechoosimewawa aka ka nip-

peyit, mena iskotāo āka kā astowāk.

49 Weya kakeyow oweyuk kitta sewetakunahoot iskotao oche, mena tuto muchostahumatoowin kitta sewetakunahikatak sewetakun oche.

50 Sewetakun meywasin: maka keespin sewetakun ka wunetamukuke oo sewetakunahikawin, tanta ka ke isse sewetakunahumak? Kekeskumook sewetakun, mena meyo otootametook.

PISKĖTUSSINAHIKUN X.

Ākose pusikoo ākota oche, mena pā itotāo Judeaik owusitā Jordanik oche: ākose mena ayiseyinewa natik; mena, ka ke isse weke totuk, kiskinohumowāo mena.

2 ¶ Ākose Phariseewa pā natik, mena kukwāchimik, Meywasin na napāo kitta wāpinat w'ewa? ā kootāyimatchik.

3 Akose nuskwāwusehāo mena omisse itā,

Tanse Moses kā itussoowatikovāk?

4 Ākose omisse itwāwuk, Moses ke eyinum-

akāo kita mussināhumoot wāpinitoowe mussināhikun, ākose kitta wāpinimeet.

5 Ākose Jesus nuskwāwusehāo mena omisse itāo, Āspeeche muskowustāyik ke' tāewaw ke ke mussināhumakoowaw oma oonussoowāwin.

6 Maka mitchimach nistum ā uşkeewuk oche Muneto ke osehāo napāwa mena isk-wāwa.

7 Āwuko oma oche napāo kā oche nukutat oo' taweya mena oo' kaweya, ākose kitta wechāwat w'ewa;

8 Ākose ā nesitchik kitta pāukwun meyas : ākose numoweya owusimā nesewuk maka pāukwun meyas.

9 Unima maka Muneto ka ké mamowenúk,

ākaweya oweyuk kitta nunanischenum.

10 Akose peeche waskahikunik oo kiskinohumowakuna kukwachimik mena awukwayew kayapitch oche.

11 Akose omisse itāo, Piko oweyuk kā wāpinakwā w'ewa, mena kā keche wekimakwā

kotuka, totum pisikwatissewin.

12 Mena keespin iskwao wapinatche oo napama, mena keche wekimatche kotuka totum pisikwatissewin.

13 ¶ Ākose pātoowawuk oskowasisa, kitta saminat : ākose oo kiskinohumowakuna kitootayewa unehee ka pāsewayit.

14 Maka ispe Jesus weaputuk, naspitch numma naayetum, mena omisse itao, Eyinum-

akook upistowasisuk kitta pā nasitchik, mena ākaweya kitahumākook: chikāma túto ka nuspitakootchik Muneto oot otanowinik kitta ayawuk.

15 Tapwa R' ititinawaw, Piko oweyuk aka kā otinumookwā Muneto oot otānowewin tapiskooch upistowasis, numoweya kitta pect-

okwāo ākota.

16 Akose otināo oo' spitoonik, samināo oo'

checheya oche, mena meywukimāo.

17 ¶ Ākose kā sipwātāt māskunāk isse, pā ítotayewa pauk a pimeputayit, mena ochechekwunuppestak, mena kukwāchimik omisse, Meyo Ookiskinõhumakāo, kākwan kā totuman kitta ké ayayan kakekā pimatissewin?

18 Ākose Jesus omisse itāo, Tanāke meywatis wache iseyun? numma ov meywatissew piko pauk, awuko, Muneto.

. 19 Ke kiskāyetān oonussoowāwina, Ākaweya pisikwatisse, Akaweya nippataka, Akaweya kimoote, Akaweya nuspach isse misekamoo, Ākaweya wuyāsehewā, Kistāyim k' otawe mena ke' kawe.

20 Akose nuskwāwusehik mena omisse itik, Ookiskinohumakāo, kakeyow ohoo

nakutowāyetān ā owasiseweyan oche.

21 Ākose Jesus ā kunowapumat sakehāo, mena omisse itāo, Pāúk kākwi ke notāpuyin: kewā, nutowe utawakā piko kākwi ka ayayun, mena meeyik ookitimakissewuk, akose ke ga ayan wāyootissewin keche kesikook! mena pā itotā, akose otina ket ayimissewin, mena pimitissahoon.

22 Ākose numma ke naāyetum āwuko itwāwin oche, mena sipwātāo āka ā naheyowasit; chikāma ā ayapun mechāt kākwia.

23 ¶ Akose Jesus waska itapew, mena omisse itao oo kiskinohumowakuna, Taneyekook ukawach unekee ka ayatchik wayootissewina ka ke peetokwatchik Muneto oot otanowinik!

24 Ākose kiskinohumowakunuk mamuskatumwāwuk oot ayumewineyewa. Maka mena Jesus nuskwāwusehāo, mena omisse itao, Owasisetik, taneyekook eyayimuneyik weyawaw oche unekee ka mumiseetotukik wāyootissewina kitta peetokwātchik Muneto oot otanowinik!

25 Nowutch wätuneyew pisiskew kitta sapooyukeet itta a oskesikoowuneyik sapoonikun, ispeech a wayootissit napao kitta peetokwat Muneto oot otanowinik.

26 Ākose naspitch keche mamuskatumwuk, omisse ā ititootchik, Owana maka kā ke pimatchehoot?

27 Ākose Jesus ā kunowapumāt omisse itwāo, Ayişeyinewuk weya numoweya ka ekineyew, maka numoweya ākose Muneto: chikāma weya Muneto kakeyow kākwia ke ekineyewa.

28 T Akose Peter omisse mache itao, Cheest, ne ke nukutanan kakeyow, mena ke ke pimitissahootinan.

29 Akose Jesus nuskwāwusehāo, mena

omisse itwāo, Tapwā k' ititinawaw, Numma oweyuk etaw ka ke nukutuk waskahikun, apo oo' chewama, apo oo' owamawa, apo oo' taweya, apo oo' kaweya, apo w'ewa, apo oot owasimisa, apo oot uskeema, neya oche, mena meyo achimoowin oche,

30 Maka kitta otinum metatuto metunow owusima eyekook unooch, waskahikuna, mena oo chewama, mena oot owasimisa, mena oo kaweya, mena oot owasimisa, mena oot uskeema, ayimissewina ussitche; mena kotuk uske ka ochechepuyik kakeka pimatissewin.

31 Maka mechāt nekan ka ayatchik otanak kitta ayawuk; mena otanak ka ayatchik

nekan kitta ayawuk.

32 I Mena māskunāk oot ayatawaw Jerusalemik ā itotātchik; ākose Jesus nekanotowāo: ākose mamuskatumwuk; mena mākwach ā pimitissawatchik, sākissewuk. Ākosemena otināo metatūt nesoosap, mena mache, wetumowāo kāko kākwia kā otetikoot;

33 Omisse ā itwāt, Cheest, ket itotānow Jerusalemik; ākose napāo oo Koosisan kitta pukitinumowawuk keche ayumehāwekemawuk, mena oomussinahikāwuk; ākose kitta pukitussoowatāwuk nippoowinik isse, mena kitta pukitinumowāwuk Ayuch eyinewa:

34 Ākose kitta mātowakatāwuk, mena kitta pusustāwāwuk, mena kitta seekwatāwuk, mena kitta nippahāwuk: ākose nistoo kesikayike kitta

wuniskaw mena.

35 ¶ Ākose James mena John, oo' koosisa Zebedee, pā natik, omisse ā itwāyit, Ookiskinohumakāo, net itāvetānan kitta totāstumoweyák piko a isse nutowayétumák.

36 Ākose omisse itāo, Kākwan ātāyetumāk

kitta totāstumatukook?

37 Akose omisse itāwuk, Meeyinan kitta ké uppeyák, pāuk ke kèche niskik, ākose kotuk ke'

numútiniskik, ke kistāvėtakosewinik.

38 Maka Jesus omisse itāo, Numoweya ke kiskāyetānawaw kākwan nātotumayāk: ke ga ké na minikwanawaw minikwakunik itta ka oche minikwayan? mena kitta seekahatakoweyāk unima seekahātakoowin ka ôche seekahatakoweyan?

39 Akose omisse itāwuk, Ne ga ke kuske-Ākose Jesus omisse itāo, Tapwā ke ga minikwanawaw minikwakunik itta ka oche minîkwayan; mena unima seekahatakoowin ka ôche seekahâtakoweyan awuko ka ôche seekahátakoweyāk:

40 Maka kitta uppečk ne kéche niskík mena ne' numutiniskik nummayao" net ayan kitta mākeyan; maka kitta meeyawuk unekee ka kwyachetwatchik.

41 Ākose ispe metatūt peātūkik, naspitch mache numina naayétumehikwuk Jamesa mena Johna.

42 Maka Jesus nutomão, mena omisse itão, Ke kiskāyétānawaw unekee ka itukimeétchik kitta tipāyimatchik Ayuch eyinewa tipetotumwuk tipāyèchekāwin ā tipāyimatchik; mena oo kechayimewawa tipayimikwuk.

43 Maka numoweya akose ke ga isse ayanawaw keyawaw: maka una kā nutowāyetuk kitta kechayewit keyawaw, awuko ka ootutooskāvakunimevāk:

44 Mena piko oweyuk keyawaw oche kā nutowayetuk kitta mawutche kechayewit, kitta

utooskayakunewew mamowe.

45 Chikāma apo napāo og Koosisan num-· oweya kitta utooskāstāt ke oche pā itotāo, maka kitta utooskāstakāt, mena kitta mākit oo pimatissewin kitta tipahikastumakawunevik mechāt ôche

46 ¶ Ākose tukosinwuk Jerichoik: mena ā utte wuyoweet Jerichoik oche ussitche oo kiskinohumowakuna mena mechat ayiseyinewa, āka ka wapit Bartimeus, oo' Koosisa Timeus, uppew opimāskunāk ā pukosetwat.

47 Ākose ispe peātuk āwukwune Jesusa Nazarethik ka ocheeyit, mache tāpwāo sooke, mena omisse itwāo, Jesus, keya David oo'

koosisa, kissāwatotowin.

48 Mena mechāt wetumak kitta kipetoowāt: maka tāpwāo owusimā naspitch sooke, David

oo' koosisa, kissāwatotowin.

49 Akose Jesus kipéchekapowew, mena itussoowāo kitta nutomimeet. Ākose nutomāwuk unehee napāwa āka ka wapeyit, omisse ā itatchik, Meywāyeta, pusikoo; ke nutomik:

50 Ākose, ā wāpinuk oot ukohoon, pusikoo,

mena pā natāo Jesusa.

51 Ākose Jesus pekiskwāo mena omisse itāo, Kākwan nātowāyetumun kitta totatan? Āka ka wapit napāo omisse itāo, Tāpāyechekāyun, kitta ké ôtinuman ne wapewin.

2 Ākose Jesus omisse itāo, Neya kewā; ke tapwatumoowin ke ke pimachehikoon. Akose sāmak kē ôtinum oo wapewin, mena pimitissáwāo Jesusa māskunák.

PISKĖTUSSINAHIKUN XI.

Ākose ispe kissewak wātetukik Jerusalem, Bethphage mena Bethanyik isse, wutcheek Oliveik, sipwātissawāo nesoo oo kiskinohum-

owakuna,

2 Mena omisse itāo, Nevák itotāk waskahikuneskák ke nekanimewák: ākose sāmak ké peétokwāyāko, ke ga miskowawaw soosoowuschimoos ā tukopisoot, āka wekach oweyuk ā ké tātuppit; apáhoók, mena paseék.

3 Mena keespin oweyuk omisse itikovāko, Tanake oma wache totumak? itwak Okemaw nutowāyimāo; ākose sāmak kitta pā issitissā-

wão ota.

4 Ākose sipwātāwuk, mena miskowāwuk soosoowuschimoosa a tukopisooyit wuyoweetimiskwat itta nesoo maskunowa a nukiskootatomukuneyikee; ākose apawāwuk.

5 Akose ateet unekee ka nepowitchik akota

omisse itāwuk, Tanāke wāche totumāk, ka apāwāk soosoowuschimoos?

6 Akose itāwuk ā ke isse itusoowatikootchik

Jesusa: ākose pukitināwuk.

7 Ākose soosoowuschimoosa pātoowāwuk Jesusa, mena tātustawuk oot ukohoonewawa; ākone tātuppew.

8 Mena mėchāt tuswākustawuk oot ukohoonewawa māskunāk: ākose kotukuk munewāpāhumwuk wutikwuna mistikook oche.

mena peewustawuk māskunāk.

9 Ākose unekee ka nekanotātchik, mena unekee ka pimitissāhikātchik, tāpwāwuk, omisse ā itwātchik, Hosanna; Sowāyetakosew una ka pā itotāt oo weyoowineyeek isse ka Tipāyechekāvit:

10 Kitta we sowāyetakwuneyew oot otānowewin k' otawenow David, ka pā itotāmukuneyik oo weyoowineyeek isse ka Tipāyechekāyit: Hosanna mamowāyus āspākāye-

takosit.

11 Mena Jesus peėtokwāo Jerusalemik, mena peėche kėche ayumehāwekumikook: ākose ispe waska ka kunowapūtūk kakeyow kākwia, mena maka ā otakosik ochechepuyew, wuyoweew Bethanyik isse ussitche metatūt nesoosap.

12 ¶ Ākose ā wapunevik, ispe pēā kewāt²

chik Bethanyik oche, nootakutao:

13 Akose a wapumat meenisatikwa wayow a oonepeemeyit, pa itotao, keespin maskooch

kā ké miskumookwā kākwi ākota: ākose ispe wātetat, pisisik nepeeya miskum; chikāma eyekook ka weke otinumeek meenisa numma āskwa ochechepuyeyew.

14 Ākose Jesus pekiskwāo mena omisse itāo, Nummáweyuk kitta mechew meenisa keya oche unooch oche kakekā. Mena oo kiskinohumowakuna patumeyewa.

15 ¶ Ākose tukosinwuk Jerusalemik: mena Jesus peetokwāo keche ayumehāwekumikook, mena mache wuyoweewāpināo unehee ka utawakāyit mena ka utawāyit peeche keche ayumehāwekumikook, mena kwutuppewāpinumwāo oo mechesoowinātikooyewa unehee ka meskootoonayit sooneyawa, mena oot uppewineyewa unehee ka utawakāyit oomemewa;

16 Mena numniá wawach ke eyinumowāo oweya kittá pimotutayit nantow toowe use-wutchekun peeche keche ayumehāwekumikook.

17 Ākose kiskinohumakāo, omisse ā itat, Numma na itussināhikatāo, N' eke kākeyow ayiseyinewuk mowimoschekāwe waskahikun kita issenikatumwuk! maka ke ke isetanawaw ookimotiskewuk oo watewaw.

18 Mena oomussimhikāwuk ussitche keche ayumehāwekemawuk pātumwuk, ākose nutoonumwuk tanse kitta ke isse nissewunachehatchik: weya ā koostatchik, chikāma kakeyow ayiseyinewa mamuskatumeyewa oo kukāskimawusoowin.

19 Akose ispe watakosineyik, wuyoweew keche waskahikuneskak oche.

20 ¶ Ākose ā kākesāpayayik, ā utte pimotātchik, wapumāwuk meenisatikwa ā pascoyit

wutuppeek oche.

21 Ākose Peter ā kunokiskissit omisse itāo, Ookiskinohumakāo, wapum, una meenisatik ka ke muchukimut pasoo.

22 Akose Jesus pekiskwāo mena omisse itāo,

Tapwatak Muneto.

23 Weya tapwā k' ititinawaw, Piko oweyuk kā ituk oma wutche, Ākut we aya, mena ke ga we issewapinikowin wenepākook; mena āka kā sakwāyimookwā oo' tāik, maka kā tapwātumookwā unehee kākwia ka itwāt kitta ekineyikee; kitta ayaw piko kākwi kā itwāt.

24 Awuk' oche k' ititinawaw, Piko kakwia ka nutowayetumak, ispe ayumehayako, tapwatumook kitta ke otinumak, akose ke ga ayan-

awaw.

25 Mena mākwach neyepoweyākokitta ayumehayāk, usānumakāk, keespin oweyuk nantow ket isse nayātawāyimawaw: k' Otawewaw neesta keche kesikook ka ayat kitta ke usānumatāk ke wunetotumoowinewawa.

26 Maka keespin āka usānumakāyāko, numoweya neesta k Otawewaw keche kesikook ka ayat kitta usānum ke wunetotumoowinewawa.

27 ¶ Åkose mena pā itotāwuk Jerusalemik: ākose mākwach ā pimotāt peeche keche ayumehāwekumikook, pā natik keche ayumehāwekemawa, mena oomussinahikawa, ussitche kasa-

yinéèkutumeyit,

28 Mena omisse itik, Kāko tipāyechekāwin wāche totumun ohoo kākwia? mena owāna kā meeyisk oma tipāyechekāwin kitta totumun ohoo kākwia?

29 Åkose Jesus nuskwäwusehao mena omisse itao, Neesta ke ga kukwächimitinawaw pauk kukwächetoowin, akose wetumowik, akose ke ga wetumatinawaw kako tipayechekawin wache totuman ohoo kakwia.

30 Oo seekahatakawin John, keche kesikook na ochemukuneyew, apo na ayiseyineek oche?

wetumowik.

31 Akose aayumehitoowuk, omisse a itwatchik, Keespin itwayuko, Keche kesikook oche; kitta itwao, Tanake maka aka wache ke tapwatowak?

32 Maka keespin itwāyuko, Ayiseyineek oche; koostāwuk ayiseyinewa: weya kakeyow ayiseyinewuk ā ke itukimatchik Johna, ā okisk-

ewāhikāweyit tapwā.

33 Ākose pekiskwāwuk mena omisse itāwuk Jesusa, Numoweya ne ke wetānan. Ākose Jesus pekiskwao mena itāo, Neesta numoweya ke ga wetumatinawaw kāko tipāyechekāwin oche wache totuman ohoo kākwia.

PISKĖTUSSINAHIKUN XII.

Ārose māche ayumehāo ā uspahakāmoot.

Pāuk una napāo kistikatum meenisatiko-kistikan, mena waska mānekatum, mena moonahum itta meenisapöe kā usowutāyik, mena oonuskitaw usowapewekumik, mena owehāo ookistikawe napāwa, ākose itotāo wayow isse.

2 Ākose ispe wāchechepuyeyik issitissāwāo utooskāyakuha kitta natayit ookistikāwe napāwa, kitta ke meeyikoot meenisa ookistikāwe

napāwa meenisatiko-kistikanik oche.

3 Akose otetināwuk, mena pusustawāwuk,

mena sipwātissāwāwuk pisisik.

4 Ākose mena issitissāhumowāo kotuka utooskāyakuna; ākose āwukwune pimwusināhāwuk, mena miswakunekatāwuk oo' stikwaneyeek, mena sipwātissāwāwuk ā nunāpāwenakoseyit.

5 Akose mena issitissawāo kotuka; ākose āwukwune nippaliāwuk, mena mechāt kotuka; ā pusustāwatchik ateet, mena ateet ā nippa-

hatchik.

isa, ayewak ā sakehat, āwukwune ussitche iskwayanik issitissahumowāo, omisse ā itwāt, Kitta koosikwāyimāwuk ne' koosisa.

7. Maka unekee ookistikāwe napāwuk omisse ititoowuk, Āwuko owa kā aniskā tipāyetuk; ākwa, mate nippahatan, ākose ke ga tipāye-

tānow."

* 8 Akose otināwuk, mena nippahāwuk, mena wuyoweewāpināwuk meenisatiko kistikanik oche:

9 Kākwan maka una ka tipāyetuk meenisātiko-kistikan kā totuk? kitta pāche nissewunachehāo ookistikāwe napāwa, ākose kotuka kitta meeyāo meenisatiko-kistikan.

10 Mena numma na k' oche ayumetanawaw oma keche mussinahikawin; Unehee usineya oowaskahikawuk ka ke atowayimatchik awuko

kistávaw kékāvák:

11 Awuko oma ka Tipāyechekāt oot itotumoowin, mena mamuskatāyetakwun k' iskesikonak?

12 Ākose nutenumwuk kitta otinatchik, maka koostāwuk ayiseyinewa: chikāma kiskā-yetumwuk weyawaw ā ke uspahakāmototak-ootehik: ākose nukutāwuk, mena sipwatāwuk.

13 ¶ Ākose issitissāhumowāwuk atcet Phariseewa mena Herodiana, kitta nukwatatchik oot

ayumewineyeek.

14 Ākose ispe tākooseekik, omisse itāwuk, Ookiskinohumakāo, ne kiskāyetānan ā tapwāyun, mena numoweya oweyuk ke nunecheestowaw: ehikāma numoweya ke pisiskāyetān āsse ayatchik ayiseyinewuk, maka ke kiskinohumakan oot itatissewin Muneto tapwāwinik: Kwiuskwun na kitta meeyeet sooneyawa Cesar, apo na numma?

15 Ne ga mākinan na, apo na numma ne ga mākinan? Maka weya, ā kiskāyetumwat oo kukayāyissewineyew, omisse itāo, Tanāke wāche kootāyimeyāk? pātoowik sooneyawap-

iskoos, kitta ké wapumuk.

16 Ākose pāsewāwuk. Ākose omisse itāo, Owāna oma oot issenakosewin mena mussinahikāwin? Ākose omisse itāwuk, Cesar.

17 Åkose Jesus nuskwāwusehāo mena omisse itāo, Meeyeek Cesar unehee kākwia ka ootayanit Cesar, mena Muneto unehee kākwia ka ootayanit Muneto. Ākose mamuskatāwuk.

18 ¶ Akose, peā natikoot Sadduceewa, numma tukwun wuniskawin ka itwātchik; ākose kukwāchimāwuk, omisse ā itwātchik,

19 Ookiskinohumakao, Moses ne ke mussinahumakonan, Keespin oweyuk oo' chewama nippeyitche, mena nukutayitche w'eweyewa otanak, mena aka nukutayitche owasisa, oo' chewama kitta otinayit w'ewa, akose kitta netaweketumowat owasisa oo' chewama.

20 Oot étatawaw maka tāpukoop a oochewametootchik: ākose una nistum otināo iskwāwa, ākose ā nippit numma wawach nukutāo owasisa.

. 21 Ākose utte uskooch otināo unehee iskwāwa, mena nippew, ākose neesta numma wawach nukutāo owasisa: ākose utte uskooch

ākosē kāyapitch.

22 Akose tapukoop ka itusitchik ke ayawawuk, mena numma wawach owasisa ke nukutawuk: mawutche iskwayanik maka una iskwao nippew neesta.

23 Wuniskawinik maka, ispe wuniskatwawe, owana kā wewit ka itusitchik? weya asse tapuk-

oópwasitchik a ké wewitchik.

24 Ākose Jesus nuskwāwusehāo mena omisse itāo, Numma na maka ke putahānawaw, chikāmas āka ā kiskāyetumāk keche mussinahikāwina, apo Muneto oo sookatissewin?

25 Weya ispe wuniskatwawe nippoowinik oche, numoweya keche weketoowuk, apo keche weketahitoowuk; maka nuspitowawuk keche

utooskāyakuna keche kesikook ka ayayit.

26 Maka weya oonippewuk, kitta wuniskatchik; numma na k'oche ayumetanawaw oo mussinaliikawinik Moses, tanse piskookopak Munctoowa ka isse ayumehikoot, omisse a itwayit, Neya oo Munetooma Abraham, mena oo Munetooma Isaac, mena oo Munetooma Jacob?

27 Numoweya Munetoskowāo oonippewa, maka Munetoskowāo ka pimatisseyit: āwuk'

oche maka naspitch ke putahanawaw.

28 ¶ Ākose pāuk oomussināhikāo pā itotāo, mena ā ke pātowat ā ayumehitooyit, mena ā nissitotūk meetoone ā ke nuskwāwusehayit, kukwāchimāo, Tananima mawutche nistum oonussoowāwin ka itūteekee?

29 Ākose Jesus omisse isse nuskwāwusehāo. Mawutche nistum oonussoowāwina ka ituteekee oma, Nutota, O Israel; Ka Tipāyechekāt ke Munetoomenow pāukoo ā Tipāyechekāt:

30 Mena ke ga sakehaw ka Tipayechekat ke Munctoom missewa ke ta oche, mena missewa ket achak oche, mena missewa ke mitoonayechekun oche, mena missewa ke

muskowisseewin oche: awuk' oma nistum oonussoowawin.

31 Ākose uskooch ākose kāyapitch, oma ote, Ke ga sakehaw keeche ayiseyinew moyam ka isse sakehisooyun. Numma tukwun oöğussoowāwin owusimā ā itāyetakwuk ispeech ohoo.

32 Ākose oomussināhikāo omisse itāo, Tapwā, Ookiskinohumakāo, ke ke itwan tapwāwin: weya ā etat pāuk Muneto; mena numma

oweyuk étaw piko weya:

33 Mena kitta sakeheet missewā metā oche, mena missewā nissitotumoowin oche, mena missewā muskowisseewin oche, mena kitta sakehat weche ayiseyinewa moyam ka isse sakehisoot, owusimā itāyetakwun ispeech kakeyow missewā muchoostāhumakāwina mena tipetotumakāwina.

34 Ākose ispe Jesus weaputuk ā kukātawāyetumoowe itwāyit, omisse itāo, Numoweya wayow ket ayan Muneto oot otānowik oche. Ākose numma oweya uskooch āwuko ke kuk-

wāchimik nantow kukwāchetoowin.

35 ¶ Ākose Jesus pekiskwāo mena omisse itwāo, mākwach ā kiskinohumakāt peeche keche ayumehāwekumikook, Tanāke oomussināhikāwuk wāche itwātchik Christ David oo' koosisa?

36 Chikāma David weya kāchewak ke itwāo ka Kunatisseyit Achākwa oche, Ka Tipāyechekāt ke itāo ne Tipāyechekāma, Uppe keya ne keche-niskik, eyekook kā issehukik ke pukwachekunuk kitta ootuspisitāsimooyun.

37 David maka weya kachewak ka Tipā-yechekāt itāo; tantā maka wāche ookoosisit? Akose ookitimakissewa pātak keke mumātakosewin.

38 ¶ Ākosé omisse itāo oo kukāskimawusoowinik, Uswāyimeekook oomussinahikāwuk, ka saketatchik kitta pupamotātchik ā kekeskukik ā kistāyetakwineyikee ayoowinisa, meņa ka saketatchik utumiskatoowina utatoowinik,

39 Mena keche uppewina ayumehāwekumikook, mena ā mawutche ispuyikee pisketche

waskahikuna wekotoowinik:

40 Ka nissewunachetatchik oonuputapewa oo waskahkuneyewa, mena a we wayasehe-watchik kinwatawuk oot ayumehawinewawa: okoo kitta otinumwuk mistahe owusima nissewunachehoowin.

41 ¶ Ākose Jesus uppew tipiskooch ittaka otinimeet sooneyawa, mena wapumāo ayiseyinewa āsse peechewāpinayit sooneyawa peeche itta ka otinimeet sooneyawa: mena mechāt ā wāyootissitchik mistahe peechewāpināwuk.

42 Akose pā itotāo pāuk ā kitimakissit oonuputāpew, mena peechewāpināo nesoo mawutche upistche sooneyawapiskoosa, pāuk

upistche sooneyawapiskoos ka ispuyitchik.

43 Ākose nutomāo oo kiskinohumowakuna, mena omisse itāo, Tapwā k' ititinawaw, Owa kitimake oonuputāpew mistahe nowutch ke peechewāpināo, ispeech kakeyow unekee kā ke

peechewapinikatchik, soonevawa itta ka otinimeet:

44 Chikama kakeyow ke peechewapinikawuk oo wayootissewinewak oche; maka weya oo kwetumawinik oche ke peechewapinum kákeyow ka ké avat, kákeyow ote ka ké avat kitta oche pimatissit. :

PISKĖTUSSINĀHIKUN XIII.

Akose a utte wuyoweet keche avumehawekumikoók óche, pauk oo kiskinohumowakuna omisse itik, Ookiskinohumakao, cheest waputa toowe usineyuk mena toowe waskahikawina āvakee ota!

2 Ākose Jesus pekiskwāo mena omisse itāo, Ke wapútān na ohoo keche waskahikāwina? numoweya kitta nukutaw pāuk usine tukooch

kotuka, āka kitta necche wāpinect.

3 ¶ Ākose mākwach ā uppit tukooch wutcheek Oliveik tipiskooch keche ayumehawekumik, Petera mena Jamesa mena Johna ussitche Andrewa kukwachimik a paukootchik, .

4 Wetumowinan, tanspe ohoo kakwia ka ochechepuvikee? mena tanse kā issenakwuk ispe kakeyow ohoo kakwia tipepuyikwawe?

5 Ākose Jesus ā nuskwāwusehat omisse mache itwāo, Pāutuk āka oweyuk kitta wa-

vāsehikovāk:

6 Weya mechāt kitta pā itotāwuk ne weyoowinik isse, omisse kitta itwātchik, Neya Christ: mena mechāt kitta wayāsehāwuk.

7 Mena ispe pātumāko nutopuyewina mena ā atochekatākee nutopuyewina, ākaweya keyawaw mikooskatāyetumook: weya ākotoowe kākwia ochetow kitta ekeekee; maka iskwayanik numma āskwa kitta ochechepuyew.

8 Weya ā pāukoskanāmukissitchik ayiseyinewuk kitta nutopuyeestowāwuk petooseskanāmuk ayiseyinewa, mena otānow petoose otānoweyew: mena kitta kekeekwun nunatook itta, mena kitta etukwunwa kowukutāwina mena ayimissewina: āwukwunee ohoo ā machepuyikee kukwatukāyimoowina.

9 Maka nakutowāyimisook: chikāma ke ga pukitinikoowawuk oonussoowāwinik isse; mena peeche ayumehāwekumikook ke ga pusustāhookowinawaw: mena ke ga pāseekowinawaw oot astumewinewāk oonussoowāwuk mena keche okemawuk neya oche, āwukwāyew

kitta misimikootchik.

10 Mena meyo achimoowin nekan kitta wetumowawuk a tuto skanamukissitchik ayis-

eyinewuk.

11 Maka ātotahikoyākwawe, mena pākitinikoyākwawe, ākaweya neyak mamitoonāyetumook tanse kā itwāyāk, apo kwyachetak tanse kā itwāyāk: maka piko kākwi kā meeyikoweyāk āwuko tipahikun, āwuko pekiskwāk: chikāma numoweya keyawaw ka ayumeyāk, maka ka Kunatissit Achak.

: 12 Wachewamcek kitta pukitusoowatao oo' chewama nippoowinik isse, mena otawemaw

oo' koosisa; mena owasisuk kitta pusikostowāwuk oo' nekehikoowawa, mena kitta itusoowatāwuk kitta nippahimeet.

13 Mena kakeyow ayiseyinew ke ga pukwatikoowaw ne weyoowin oche: maka una ka ayat iskwayach isko, awuko ka pimacheheet.

14 Maka ispe waputumāko unima muche kākwi nissewunachehoowinik isse, ka ayimootuk Daniel okiskewāhikāo, ā nepowemukuk itta āka kitta ke ayamukunopun, (una ka ayumechekāt keyam kitta nissitotum,) ākose keyam unekee Judeaik kā ayatchik wutcheek kitta-itamoowuk:

/ 15 Mena una ka ayat tukooch waskahikunik akaweya kitta netukoseew waskahikunik isse, apo akaweya kitta peetokwao akota, kitta

otinuk nantow kakwi w'ekeek oche:

16 Mena una ka ayat peeche kistikanik akaweya kawe kitta kewao kitta otinuk oot ukohoon.

17 Maka kitta mayeayawuk unekee kā kekeskowatchik owasisa, mena unekee kā nooyawusootchik āwukwunee kesikawa!

18 Mena ayumehak ke tupuseewinewaw aka.

ā pipook kitta ayak.

19 Chikāma āwukwunee kesikawa kitta ėtukwun ayimissewin, toowa āka wekach ā ke ėtukwuk mitchimach nistum ā uskeewuk oche Muneto ka ke osetat peeyis unooch isko, mena numoweya kitta etukwun.

20 Mena keespin āka ka Tipāyechekāt ke

chukowasisétat āwukwunee kesikawa, numoweya oweyuk kitta ké pimachehaty: maka nowusoonakunuk oche, ka ké nowusoonat, ké chukowasisétaw awukwunee kesikawa.

21 Mena keespin oweyuk omisse itikoyāko, Cheest, oweeta Christ; apoz cheest, unitta

ayaw; akaweya tapwatak:

22 Chikāma nuspach Christuk mena nuspach okiskewāhikāwuk kitta pusikoowuk, mena kitta waputeyewāwuk kiskahikuna mena mamuskatumoowina, kitta kukwācheesehewātchik, keespin ke kusketatwawe, apo nowusoonakuna.

23 Maka nakutowāyetumook keyawaw? cheest, ke ke wetumatinawaw kakeyow kakwia

nevakuna.

24 ¶ Maka āwukwunee kesikawa, ke mayawepuyike āwuko ayimissewin, peesim kitta wunetipiskissew, mena tipiskawe peesim numoweya kitta mākew oo wastām,

25 Mena utchukosuk keche kesikook ka ayatchik kitta pukisinwuk, mena sookatissewina ka ayakee keche kesikook kitta nunumepuy-

ewa.

26 Ākose ākota kā wapumatchik napāwe-Koosisana ā pā itotāyit wuskook keke keche sookatissewin mena kistāyetakosewin.

27 Ākose ākota kā issitissāwat oo keche utooskāyakuna, ākose kitta mawusukonāo oo nowusoonakunā nāoo yootinook oche, ā mawutche kisipak uske oche peeyis ā mawutche kisipak keche kesik isko.

28 Ākwa kukwā kiskāyetumook uspahakāmoowin meenisatikook oche; Ispe mākwach kāyapitch oo wutikwunim ā nāsoowuneyik, mena nātaweketatche neepeya, ke kiskāyetānawaw nepin kissewak à ayamukuk:

29 Ākose keyawaw moyam isse, ispe waputumāko ohoo kākwia ochechepuyikwawe, kiskāyetumook kissewak ā ayamukuk, apo

iskwatamik.

30 Tapwā k' ititinawaw, okoo aniskā ka nėtawekehitootchik ayiseyinewuk numoweya kitta mayawepuyewuk, eyekook kakeyow ohoo kākwia kā tochekatākee.

31 Keche kesik mena uske kitta mayawepuyew: maka net ayumewina numoweya kitta

mayawepuyinwa.

32 ¶ Maka āwuko kesikaw mena āwuko tipahikun numma oweyuk kiskāyetum, numma, numoweya apo keche utooskāyakunuk keche kesikook ka ayatchik, apo Wākoosiseek, piko Otawemaw.

33 Pāutuk keyawaw, usowapik mena ayumehak: chikāma numoweya ke kiskāyetānawaw

ispe kā ochéchépuyjik.

34 Chikāma napāwe-Koosisan nuspitowāo napāwa wāyow ā itotāyit, ka nukutuk oo waskahikun, mena ka ke oonussoowatat oot utooskāyakuna, mena tuto napāwa oot utooskāwineyew, mena ka ke itussoowatat ookunowiskwatowāwa kitta usowapeyit.

35 Usowapik maka: chikama numoweya ke

kiskāyetānawaw ispe tāpāyetuk waskahikun kā tukoseek, ā otakosineyik, apo ā apeta tipiskayik, apo mākwach napā pakahakwan ā kitoot, apo ā kākesāpayayik:

36 Kātútowā tukoseeke āka kitta misk-

akovāk ā nippawāk.

37 Mena unima ka ititukook net itawuk kakeyow, Usowapik.

PISKĖTUSSINAHIKUN XIV.

Kanesoo kesikak etukwun wekotoowin passover, ka itumesk, mena aka ka opiseek ayukonaw: akose keche ayumehawekemawuk mena oomussinahikawuk nutonumwuk tanse kitta ke isse kemodeh wuyase otinatchik, akose kitta nippahatchik.

2 Maką omisse itwāwuk, Numoweya ā wekotoowe kesikak, āka ayiseyinewuk kitta

navátawayétûkik.

3 ¶ Ākose ā ayat Bethanyik peeche w'e-keek Simon ka peekopuyewe itaspināt, māk-wach ā uppit ā mechesoot, pā itotāo iskwāo ā ayat tumuskoowin usinewutik spikenardik oche naspitch ā akwuketāyik; ākose paskinum unima usinewut, mena scekinumwāo oo'stikwaneyeek.

4 Mena ateét numoweya meywayétumwuk peéche oo mitoonayéchekunewák, mena omisse itwawuk, Tanàke oma wache mastinumeék

oma tumuskoowin?

5 Chikāma kitta kė utawakanewunopun owusimā nistoo metatūto metunow sooneyawapiskwuk oche, mena kitta kė meeyatyuk ookitimakissewuk. Ākose nayātawe itāwuk.

6 Ākose Jesus omisse itwāo, Āka totāk; tanāke wāche mikooskachehāk? ne ke totās-

tumak meyo utooskāwin.

7 Chikama mosuk ke wechawawawuk ookitimakissewuk, mena piko tutwaw ka itayetumak ke ga ke meyototowawawuk; maka neya numoweya mosuk ke wechatinawaw.

8 Kė totum ā isse kuskėtat: pā itotāo neyakuna kitta toominuk n' eyow kitta nahinik-

owewuk.

9 Tapwā k' ititinawaw, Piko ittā oma meyo achimoowin kā wetumeek missewā uskeek, oma ussitche ka ke totuk kitta atochekatāo kitta kiskisetotat.

10 ¶ Akose Judas Iscariot, pāuk metatūt nesoosap oche, natāo keche ayumehāweke-

mawa, ā wé utamat w'eyoweyew:

11 Ākose ispe peyātūkik, mumātakosewuk, ākose usootumwuk kitta meeyatchik soone-yawa. Ākose nutonum tanse kitta ke isse

nåhepuyevik kitta utawakāt.

12 ¶ Ākose nistum kesikaw āka opisinoowe ayukonaw, ispe nāppātatchik passover, oo kiskinohumowakuna omisse itik, Tantā ātāyetumun kitta nutowe kwyachetayāk kitta ke mecheyun passover?

13 Akose sipwātissawāo nesoo oo kiskino-

humowakuna, mena omisse itāo, Itotāk keche waskahikuneskāk, ākose ke ga nukiskakoowaw pāuk napāb ā pimotutat kwapekakun ā sakus-, kināyik nippe oche: pimitissāhook.

14 Mena piko itta kā peetokwāt, omisse iteek ka tipāyetuk waskahikun, Ookiskinohum-akāo omisse itwāo, Tanewā mantāwekumik, titta kā mecheyan passover ussitche ne kiskin-

¿ohumowakunuk?

15 Akose ke ga waputeyikoowaw ā misayik pisketche waskahikun ispimik ā ayayik, ā kwyatuneyik: ākota kwyachetak keyanow oche.

16 Ākose oo kiskinohumowakuna sipwātāyewa mena pā itotāyewa keche waskahikuneskāk, mena miskumwuk ā ke isse itikootchik:

ākose kwyachétawuk passover.

17 Ākose ā otakosinevik pā tukosin ussitche

metatút nesoosap.

18 Mena mākwach a uppitchik mena a mechespotchik, Jesus omisse itwāo, Tapwā ki ititinawaw, Pauk oma kevawaw ka weche mechesoomeyāk kitta utawakāo n' eyow.

19 Ākose utte mache numma naāyetumwuk, mena omisse isse mache itāwuk papāuk, Neya na? mena kotuk omisse itwāo, Neya na?

20 Ākose nuskwāwusehāo mena omisse itāo, Pāuk metatūt nesoosap oche, una ka weche isseniskāmit onakunik.

21 Napāwe-Koosisan atesoweya tapwā itotāo, ā ke isse itussinahoot: maka maye ayaw una napāo napāwe-Koosisan ka oche utawakāk! owusimā kitta ke meywasinevepun una napāo oche keespin āka wekach ke neta-

wekepun.

22 ¶ Ākose mākwach ā mechesootchik, Jesus otināo ayukonawa, ākose meywukimāo, mena pukwānāo, mena mecyāo, mena omisse itwāo, Otineek, mooweek: āwuko oma n'eyow.

123 Akose otinum minikwakun, ākose kā mākit nunaskomoowina, meeyāo: ākose kā-

keyow ké minikwawuk akota oche.

24 Akose omisse itāo, Awuko oma ne'mik oske issetwawinik,ka seekahikatāk mechāt oche.

25 Tapwā k' ititinawaw, Numoweya owusimā ne ga minikwatumwan oo meenisima meenisatik, peeyis unima kesikaw kā oske minikwayan oot otanowinik, Muneto.

' 26 T Akose kå nikumóotchik pāuk nik-

umoon, itôtāwuk wutcheek Oliveik.

27 Ākose Jesus omisse itāo, Kākeyow keyawaw ke ga nayātawāyetānawaw chikāma neya oche unooch ka tipiskak: chikāma omisse itussināhikatāo, ne ga otamāwaw ookunowemayutchikwāo, ākose mayutchikwuk kitta nunanis ayawuk.

· 28 Maka ké wuniskayane, ke ga nekanó-

tatinawaw Galileeik isse.

29 Maka Peter omisse itāo, Keyam ata kākeyow nayātawāyetukwawe, āyewāk neya numoweya.

30 Akose Jesus omisse itāo, Tapwā k' ititin. Oma ka kesikak, oma ote ka tipiskak, ā moyā napāpakāhākwan kitoot neswaw, nistwaw ke ga anwātowin.

31 Maka owusimā pekiskwāo ā we tapwāt; Keespin ata weche nippeemitane, numma wawach ke ga anwātatin. Ākose isse nees-

tawaw kakeyow atwatchik.

32 ¶ Ākose otetumwuk itta Gethsemane ā issenikatāyik: ākose omisse itāo oo kiskinohumowakuna, Uppik keyawaw ota, ā āskwa ayumehayan.

33 Ākose wechāwāo Petera mena Jamesa ussitche Johna, mena mache naspitch mikooskatāyetum, mena mache koosikwamuchehoo;

34 Akose omisse itāo, Net achāk naspitch kukwatukamuchehoo nippoowinik isse: ota avak kevawaw mena usowapik.

35 Ākose utte yūkotāo upisees, mena pūkisin uskeek, mena ayumehaw, keespin kā kē ēkineyikwā, tipāhikun kitta kē muyaskakoot.

36 Ākose omisse itwāo, Abba, N' otawe, kākeyow kākwia ke kusketan keya; ākutānumowin oma minikwakun: āyewāk maka numoweya neya ā itāyetuman, maka keya ā itāyetumun.

37 Ākose pā itotāo, mena miskowāo ā nippayit. ākose omisse itāo Petera, Simon, ke nippan che? numma wawach na pāuk tipāhikun ke ke usowapin?

38 Usowapik mena ayumehak, āka kitta

itotāyāk kootāyetoowinik. Achāk tapwā kwyachissew, maka meyas nāsoowun.

39 Ākose mena sipwātāo, mena ayumehaw, mena ayumew kāyapitch āwukwunee ayumewina.

40 Åkose ispe keyewāt, miskowāo ā nippayit mena, (weya oo' skesikoowawa ā koosikwuneyikee,) mena numoweya kiskāyetumwuk tanse kitta isse nuskwāwuschatchik.

41 Ākose pā itotāo ākwa nistwaw, mena omisse itāo, Ākwa nippak, mena otinumook ket uywāpewinewaw: ākoyekook, tipahikun ochechepuyew; matika, napāwe Koosisan utawakanewun oo' checheewak isse oomuchatissewuk.

42 Wuniskak, sipwatatan; cheest, una ka

utawakāt n' eyow kissewak ayaw.

43 ¶ Ākose sāmak, mākwach kāyapitch ā ayumit, pā itotāo Judas, pāuk metatut nesoosap oche, mena ā wechākoot ookistukāwe ayiseyinewa semakunikomana mena pukumakuna ā kekeeyit, kēche ayumehāwekemawa mena oomussināhikāwa ussitche kāsāyineēkutumeyit oche.

44 Mena una ka ke utawakāwat w'eyoweyew oo ke meeyaty kiskahikun, omisse ā itwāt, Piko una kā ochāmuk, āwuko una; āwuko otineek, mena sipwātaheek pāutuk.

45 Ākose sāmak tākoseek, kwiuskonak utte natāo, mena omisse itwāo, Okemaw, okemaw;

ākose ochāmāo.

46 Ākose oteētināwuk, mena otināwuk.

47 Ākose pāuk unekee ka nepowitchik ākota ochipitum semakunikoman, mena otamāwāo oot utooskāyakuneyewa kēche ayumchāwèkemawa, niena munewāpāhumwāo oò' towukuvew.

48 Ākose Jesus nuskwāwusehāo mena omisse itāo, Tapiskooch che kimootisk ā pā natāk, semakunikoomana mena pukumakuna ka ke-

keyāk kitta otincyāk?

19 Ke ke wechātinawaw tuto kesikaw peeche keche ayumehāwekumikook ā kiskinohumakāyan, mena and mmoweya ke ke otininawaw: maka keche mussinahikāwina kitta tipepuyewa.

50 Akosé kákeyow nukutawuk, mena tup-

useewuk.

51 Ākose pimitissāhook pāuk oskencekewa,ā ukwunāhooyit wapiske pupukewuyan moosāwe-yoweyeek: ākose oskencekewuk oteetināwuk:

52 Akose nukutum wapiske pupukewuyan,

mena tupusehāo moošāskut.

33 L Akose itotahāwuk Jesusa itta mawutche keche ayumehāwekemawa ā ayayit: ākose ākota ā wechākook kakeyow keche ayumehāwekemawa mena kāsāyineekutumeyit ussitche oomussinahikāwa.

54 Akose Peter wayow isse pimitissawāo, apo keclie ayumehāwekemawa wekeyeek isse akose weetuppimāo utooskāyakuna, mena ow-

usoo iskotāk.

55 Ākose kēche ayumehāwekemawuk mena kākeyow oonussoowāwin nutonumwuk itta kitta oche misimatchik Jesusa kitta nippāhaṭchik; ākose numma wawach miskumwuk.

56 Chikāma mechāt nuspach isse misekāmoowuk, maka oo misekāmoowinewaw numoweya tapiskooch ke isse nahepuyeyew.

57 Ākose ateet pusikoowuk, mena nuspach

isse misimāwuk, omisse ā itwātchik,

58 Ne ke patowanan a itwat, Ne ga nissewunachetan oma keche ayumehawekumik ka osechikatak mechecheeya oche, akose nistwaw kesikake ne ga oonusketan kotuk numoweya mechecheeya oche.

59 Maka neestawaw oo misekamoowinewaw numoweya tapiskooch ke isse nahepuyeyew.

60 Ākose mawutche keche ayumehāwekemaw nepowew tātawitch, ākose kukwāchimāo Jesusa, omisse ā itwāt, Numma wawach na ke, muskwāwusetwan? kākwan oma okoo ka we oche misimiskik?

6! Maka numoweya kitoo, mena numma wawach nantow itwāo. Mena mawutche keche ayumehāwekemawa kukwāchimik, mena omisse itik, Keya che una Christ, oo' Koosisa Sāwā-yetakosit?

62 Ākose Jesus omisse itwāo, Neya āwuko: mena ke ga wapumawaw napāwe-Koosisan ā uppit sookatissewin oo keche-niskik, mena ā pā itotāt wuskook kesikook.

63 Ākose mawutche keche ayumehāweke-

maw peekopitum oot ayoowinisa, mena omisse itwao, Kakwan owusima misekamoowina nat-owayetumuk?

64 Ke ke patanawaw pastamoowin: tanse keyawaw atayetumak? Ākose kakeyow itus-

oowatāwuk kitta nippāhimeēt.

65 Ākose atcet mache seekwatāwuk, mena ā ukwunākwāwatchik, mena ā otamāwatchik, mena omisse ā itatchik, Kiskewāhikā: ākose utooskāyakunuk otamāwāwuk oot ayukuskechechanewawa oche.

66 Tākose mākwach Peter neetche ā ayat keche waskahikunik, pā itotāyewa pāuk ma- wutche keche ayumehāwekemawa oot utooskā-yakuniskwāmeyewa:

67 Ākose ispe weyapumat Petera ā owusooyit, kunowapumāo, mena omisse itwāo, Mena keya ussitche ke ke wechāwaw Jesus Nazarethik ka ocheet.

68 Maka anwātum, omisse ā itwāt, Numoweya ne kiskāyetān, mena numoweya ne nissitotān tanse ātwāyun. Ākose wuyoweew ā piskēche ayayik isse; ākose napāpakahākwana kitooyewa.

69 Ākose utooskāyakuniskwāwa mena wapumik, mena omisse mache itāyewa unehee ka nepoweyit ākota, Āwukwawa pāuk weyawaw oche.

70 Ākose mena anwātum. Ākose mena ukunuk, unekee ka ke nepowitchik ākota omisse itāwuk mena Petera, Neyaman keya

pāuk weyawaw oche: chikāma ke Galileanewin, mena ākose ātetakoseyun.

71 Maka mache weyukwāo mena keche itwāo, omisse isse, Numoweya ne kiskāyimaw

owa napāo ka ayimomāk.

72 Ākose ākwa neeswaw napāpakahākwan kitoo. Ākose Peter kunokiskissew unima ayumewin Jesusa ka ke itikoot, Ā moyā kitoot napāpakahākwan neeswaw, ke ga anwātowin niṣtwaw. Ākose ispe meyamitoonāyetuk āwuko, matoo.

PISKĖTUSSINAHIKUN XV.

Ākòse sāmak ā kākesāpayayik keche ayumehāwekemawuk mamowe oonussoowāwuk ussitche kāsāyineekutumeyit mena oomussināhikāwa ussitche missewā oonussoowāwin, mena tukopitāwuk Jesusa, mena sipwātahāwuk, ākose pukitinumowāwuk Pilatea.

2 Ākose Pilate kukwāchimāo, Keya che oo Keche Okemamewawa Jewuk? Ākose nuskwāwusehāo mena omisse itāo, Ket itwan mana

maka.

3 Åkose keche ayumehāwekemawuk misimāwuk mechāt kākwia oche: maka numma wawach nantow isse nuskwāwusetwaw.

4 Ākose Pilate mena kukwāchimāo, omisse ā itwāt, Numma wawach che nantow ket isse nuskwāwusetwan? cheest tantūto kākwia wā oche misimiskik.

- 5 Maka Jesus kāyapitch numma wawach nantow isse nuskwāwusetwaw; ākose Pilate mamuskatum.
- 6 ¶ Unima maka wékétoowinik oo wéke pukitinumowáty páuk kipáwakuna, piko unehee ā nutowāyimavit.

7 Mena oot etaty pāuk Barabbas ā issenīkasoot, ā weche tūkopisoomat unehee ka ke wechāwikoot ā keesetatchik mikooskacheayawin. ā ke nippātakāyit mikooskacheayawinik.

8 Akose ookistukāwe ayiseyinewuk sooke a tapwatchik mache nutowayimawuk kitta totakootchik a ké isse mosuk totakootchik.

9 Maka Pilate nuskwāwusehāo, omisse ā itwāt, Ket itāyetānawaw che kitta puķitinumatukook oo Keche Okemamewawa Jewuk?

10 Chikāma ā kiskāyētuk keche ayumehāwekemawa ā ke pukitinayit otāyetoowin oche.

11 Maka keche ayumehāwekemawuk seekiskowāwuk ayiseyinewa, nowuch kitta pukitinumakootchik Barabbasa.

12 Ākose mena Pilate nuskwāwusehāo mena omisse itāo, Tanse ātāyetumāk kitta totowuk una oo Keche Okemamewawa Jewuk ka itāk?

13 Ākose mena omissé isse fapwāwuk, Cheestahaskwas.

14 Ākose Pilate omisse itāo, Tanāke, kākomuche kākwi kā totuk? Ākose owuşimā nowuch sooke tāpwāwuk, Cheestahaskwas.

15 Akose maka Pilate, ā itāyetuk kitta nāheyowāhat ayiseyinewa, pukitinumowāo Barabbasa, mena pukitināo Jesusa, ispe kā pusustāwat, kitta cheestahaskwatimeet.

16 ¶ Ākose semakunisuk itótahāwuk oonussoowāwekumikook, Pretorium ā itumoot; ākose mamowe nutomāwuk kakeyow atuseyit

semakunisa.

17 Ākose weyātahāwuk mikwākin oche, mena upekatumwuk keche okemawe ustotin misekaweminukuseya oche, ākose ustawāwuk oo stikwaneyeek,

18 Mena mache utumiskowāwuk, omisse, Wacheyā, ka Keche Tipāyimutchik Jewuk!

19 Mena otamáwāwuk oo' stikwaneyeek ustakunuskose oehe, mena ke seekwatawuk, akose arjamekayitchik a putupestowatchik.

20 Ākosē kā mātowakatatchik, otinumwāwuk mikwākih, ākose poostiskumoteyāwuk oot ayoowiniseyewa, mena wuyoweetahāwuk

kitta cheestahaskwatatchik.

21 Akose sakoochimāwuk pāuk Simona ā Cyrenianeweyit, ā pimotāyit ākota, uskeek ā ototāyit, oo tawewawa Alexander mena Rufus, kitta onikatumeyit oo pimitaskwahikuneyew.

22 Akose pasewawuk Golgothaik isse, awukwane, a itwak, Itta ostikwanekunekakun a

ayak.

23 Ākose meeyāwuk kitta minikwāyit soominapoe ā keyikowinekatāyik myrrh: maka numoweya ke otiņum.

24 ¶ Akose ispe kå cheestahaskwatatchik, matinumatoowuk oot ayoowiniseyewa, a kootayétúkik, kakwan túto napao ka otinúk.

25 Mena nantow nistoo tipahikun ispeeche

kesikapun, ispe ā cheestahaskwatatchik.

26 Akose mussináhikāwin itta ka ké oche misimeet kė mussinahikatayew tukooch, Oo Keche Okenzamewawa Jewuk.

27 Mena ussitche cheestahaskwatāwuk nesoo ookimootiška; pauk oo keche niskik, mena kotuk oo' numutinik.

28 Akose keche mussinahikawin ke tipepuyew ka itwaniukuk, Mena ke usitukimaw

keyekow oomuchatissewa.

> -29 NAkose unekee ka pimotātchik ākota nunatookomkwuk, a nunamiskwayitchik, mena omisse a itwitchik, Ah, keya ka nissewunachétayun kêche ayumeh awekumik, mena ka osétayun ā nistookesikak,

30 Pimachehisoo, mena pā neetukosee pin

itaskwahikunik oche.

31 Neestawawussitche keche ayumehawekemawuk a nunatookomatchik omisse a titootchik ussitche domussinahikawuk, Ke pimachehão kotuka; weya, kāchewak numoweya kê pimachehisoo.

32 Måte Christ oo Keche Okemamewawa Israel ākwa kitta nectokoseew pimitaskwahikunik oche, kitta ke waputumuk mena tapwas tumuk. Mena unehee ka ke weche cheestahaskwateet kekamik.

33 ¶ Akose ispe nikotwasik tipahikun wāchechepuyik, ke kusketipiskaw missewa uskeek

peevis kāka metatút tipahikun isko.

34 Ākose kāka metatūt tipāhikun Jesus tāpwāo ā kiseewāt, omisse ā itwāt, Eloi, Eloi, lama sabachthani? āwukwane, ā itwāk, Ne Munetoom, ne Munetoom, tanāke wāche ke nukuseyun?

35 Ākose ateet unekee ka nepowitchik akota, ispe peyatukik, omisse itwawuk, Cheest, tap-

watāo Eliasa.

- 36 Ākose pāuk isputaw mena sakuskinahāo yikāhipana seewekapöe oche, mena ustaw ustakunuskoseek, mena meeyāo kitta minikwāyit, omisse ā itwāt, Āka totumook; māte wapututan keespin Eliasa kā pā neetinikookwā.
- 37 Ākose Jesus tāpwāo ā kiseewāt, mena sipwāchākwāo.
- 38 ¶ Akose unima ka kipahikakanewuk kéche ayumehawekumikoók nesoótapuyew ispimik óche neéche isse.
- 39 ¶ Ākose ispe una semakunisewekemaw, ka nepowit tipiskooch weÿa, weaputuk ākose ā isse tāpwāyit, mena ā sīpwāchākwāyit, omisse itwāo, Tapwā owa napāo ke Munetoowe-Koosisanewew.
- 40 Qot ayatawaw ussitche iskwāwuk ā kunwapitchik wayow oche: ākota neesta oot ayaty Mary Magdalene, mena Mary oo' kaweya James nootow ka ispeetisseet ussitche Joses, mena Salome;

41 (Weyawaw ussitche, ispe Galileeik a ayayit, ka ke pimitissawatchik, mena ka ke pumeestowatchik;) mena mechat kotukuk iskwawuk a ke pa wechawatchik Jerusalemik isse.

42 ¶ Ákose ākwa ispe wātakosik, chikāma mākwach muneeschekāwe kesikapun, āwukwane, unima kesikaw a moya ayumehawe kesikak:

3.43- Joseph Arimatheaik a ocheet a kistayetakosit oonussoowao, neesta a patat Muneto oot otahowewin, pa itotao, mena sooketahawe peetokowao Pilatea, men nutotum weyowevew Jesusa.

44 Akose Pilate mamuskatum keespin assi kā nippevikwā: ākose nutomāo semakunisewekemawa, kukwāchimāo keespin nowuch kinwās uspin ka ke nippeyit.

45 Ākose ispe kāskāyetuk semakunisewekemawa ā wetumakoot, meeyāo meyoweyew

Josepha.

. 46 Akose utawāo ā meywasineyik wapiske pupukewuyanākin, mena neetināo, mena wāwākināo ākota wapiske pupukewuyanākinook, mena áyāo peéche chepuyekumikoók wayapiskutahumoot kistapiskak oche, tetipināo usineva ā isse iskwatāmewunevik chepuyekumikooyew.

47 Akose Mary Magdalene mena Mary oo' kaweya Joses waputumwuk itta ā ke

ayimeet.

PISKĖTUSSINAHIKUN XVI.

Ākose ispe ayumehāwe kesikaw kā muyawepuyik, Mary Magdalene, mena Mary oo' kaweya James, mena Salome, utawāwuk seeweke muskekeyā, kitta ke pā itotātchik mena kittamuskekewāwatchik.

²2 Ākose naspitch ā kākesāpayayik nistum ā kesikayik āwuko ā ispuyeyik, pā itotāwuk chepuyekumikook a wuniskayit peesimwa.

3 Akose omiśse ititoowuk, Owana ka tetipinumatuk usineya chepuyekumikoowe iskwat-

āmik oche?

4 Ākose ispe ātapitchik, wapútumwuk usineya ā ke opimā isse tetipinimeet: weya nas-

pitch ā kè misikiteyit.

5 Ākose ā peetokwātchik peeche chepuyekumikook, wapumāwuk oskencekewa ā uppeyit keche-niskik itākā, ā weyātumeyit ā kinwayik wapiske weyāchekun; ākose ke sākissewuk.

6 Akose omisse itāo, Akaweya sākissik: Ke nutonowawaw Jesus Nazarethik ka ocheet, ka ke cheestahaskwateet: ke wuniskaw; numoweya ota ayaw: cheest itta ka ke ayatchik.

7 Maka kewāk, wetumowimāk oo kiskinohumowakuna ussitche Peter ā nekanotakoovāk Galileeik isse: ākota kā wapumāk, ka ke isse

wetumakooyāk.

8 Ākose wuyoweewuk keyepee, mena osimoowuk chepuyekumikook oche; weya ā ke nunumepuyitchik mena ā mamuskatukik: mena numoweya nantow oweya itawuk; chikama ke sakissewuk.

9 ¶ Ispe maka Jesus kā wuniskat weputch nistum ā kesikayik āwuko ā ispuyeyik, nistum kē otētāo Mary Magdalenea, unehe tāpukoop muche āchākwa ka kē wuyoweetissāhoomat weyoweyeek oche.

10 Ākose ke nutowe wetumowāo unehee ka ke wechākooyit, weya āka ā naāyetumeyit

mena ā matooyit.

11 Ākose weyawaw, ispe peyātukik ā pimatissevit, mena ā ke wapumayit, numoweya tapwātumwuk.

12 ¶ Uskooch āwuko otetāo petoos isse ā neseyit weyawaw oche, mākwach ā pimotāyit,

mena kotuk uskcék a itótayit.

13 Ākose nutowe wetumowāwuk kotuka: mena numoweya tapwatowawuk awukwunee.

14 ¶ Patima otetāo metatūt pāukoosap ka ituseyit mākwach ā uppeyit ā mechesooyit, ākose kitootāo oot anwātumoowineyew oche, mena oo muskowetāhāwineyew oche, chikāma numoweya ke tapwātowāwuk unehee ka ke wapumikoot kā wuniskat.

15 Akose omisse itao, Itotak missewa uskeèk, mena wétumak meyo achimoowin ka-

keyow ayiseyinew.

16 Una kā tapwātuk mena kā seekahatat kitta pimachehaw; maka una āka kā tapwātuk kitta nissewunachehaw.

17 Mena ohoo kiskahikuna kitta pimitis-

sahookwuk unekee ka tapwatukik; Ne weyoowinik kitta wuyoweewapinawuk muche achakwa; kitta ayumewuk oske metayuneya oche;

18 Kitta otināwuk kināpikwa; mena keespin minikwatukwawe nantow nippoowe kākwi; numoweya kitta akohikwuk; kitta samināwuk ootakosewa, ākose kitta meyo ayayewa.

19 ¶ Ākose maka, ka Tipāyechekāyit ka ayumehikootchik, ke otinaw keche kesikook isse, mena ke uppew oo keche niskik Mun-

eto.

20 Ākose ke sipwātāwuk, mena ke kukāskimawusoowuk missewā ittā, ka Tipāyechekāt ā wecheutooskāmat, mena ā ayeechetat ayumewin mamuskache kākwia ā ussitchepuyeyikee.